

唐韻正下平聲卷五

十陽

更十一唐

古與十陽通為一韻

十二庚

此韻當分為二

庚

古行切

古音古郎反 詩七月二章春日載陽有鳴倉庚女執懿筐遵彼微行爰求柔桑 大東六章雖則七襄不成報章

唐韻正

卷五

曉彼牽牛不以服箱東有啟明西有長庚有採天畢載施之行 史記孝文紀大橫庚余為天王夏啟以光 太史公自序管蔡相武庚將寧舊商及旦攝政二叔不讐殺鮮放度周公為盟太任十子周以宗彊 晉陸機管叔鮮贊公旦居攝三監叛亡或放或極并禍武庚 韻補庚居即切說文庚位西方象秋時萬物庚庚有實也釋名庚剛也堅彊貌也 莊子庚桑楚音義曰庚桑姓也太史公書作亢桑按今史記莊周傳作亢桑子列子作亢倉子 又按說文唐穰皆以庚得聲

更

古音同上

禮記少儀怠則張而相之廢則婦而更之

漢司馬相如長門賦眾雞鳴而愁予兮起視月之精光觀眾星之行列兮畢昂出於東方望中庭之藹藹兮若季秋之降霜夜曼曼其若歲兮懷鬱鬱其不可再更澹偃蹇而

待曙兮羌亭亭而復明
美人竊自悲兮究年歲而不敢忘
越絕書計倪內經王無忽忘慎無如會稽之饑不可再
更 太玄經更次六人水載車出水載杭空于王之更
測童牛角馬變天常也車杭出入其道更也更不更能自
臧也駟馬跂跂更御乃良也不終之代不可長也 玄衝
裝徒鄉止不行眾溫柔堅剛密不可間成不可更 焦
仲卿妻詩中有雙飛鳥自名為鴛鴦仰頭相向鳴夜夜達
五更行人駐足聽寡婦起彷徨多謝後世人戒之慎勿忘
後漢書樊宏傳封族兄忠更父族更父卽亢父也 張
弼曰說文更从反丙聲玉篇从正文末註今作更

杭

古音同上 急就篇稻黍稷粟麻杭通章皆用陽韻
說文杭从禾亢聲

羹

唐韻正

卷五

一

古音同上 詩蕩六章文王曰咨咨女殷商如螭如螭如
沸如羹小大近喪人尚乎由行內爨于中國覃及鬼方

闕宮四章秋而載嘗夏而福衡白牡騂剛犧尊將將毛魚
載羹籩豆大房萬舞洋洋孝孫有慶俾爾熾而昌俾爾壽
而臧保彼東方魯邦是常 禮記禮運然後退而合亨體

其大豕牛羊實其簋籩籩豆 鋼羹祝以孝告嘏以慈告是
謂大祥 楚辭招魂室家遂宗會多方些 稻粢穰麥桴黃

梁些大苦鹹酸辛甘行些肥牛之臠膾若芳些和酸若苦
陳吳羹些 臠鼈炮羔有柘漿些 鵝酸臠臠臠鴻鷄些 露雞
臠蠃厲而不爽些 秬秠蜜餌有餑餑些 瑤漿靈勺實羽觴
些 挫糟凍飲耐清涼些 華酌既陳有瓊漿些 歸反故室敬
而無妨些 大招五穀六仞設菰梁只 鼎臠盈望和致芳

只內 鷓鴣 鷓鴣 味豺羹 只魂 手歸 倏恣 所嘗 只 韓非子內
儲說下夫挾相爲則責望自爲則事行故父子或怨謀取

庸作者進美羹說在文公之先宣言與句踐之稱如皇也
故桓公藏蔡怒而攻楚吳起懷膠實而吮傷 淮南子人

間訓糲粢之飯藜藿之羹冬日則寒凍夏日則暑傷 泰
族訓家老異飯而會殊器而高子婦跣而上堂跪而斟羹
史記龜策傳紂有諛臣名爲左彊誇而目巧教爲象郎
將至於天又有玉牀犀玉之器象者而羹 急就篇餅餌
麥飯甘豆羹 易林豫之小畜蠅蝓夜藏不敢晝行酒爲
酸漿魴鳧鮑羹 隨之艮卦羊不當血少無羹女執空筐
不得採桑 漢揚雄蜀都賦甘甜之和芍藥之羹江東鮑
鮑隴西牛羊 張衡東京賦物牲辨省設其楅衡毛魚豚
胎亦有和羹滌濯靜嘉禮儀孔明萬舞奕奕鍾鼓皇皇靈
祖皇考來顧來饗神具醉止降福穰穰 後漢書李固傳
坐則見堯於牆會則覩堯於羹 梁江淹學梁王兔園賦
乃射宿餌魴前繳鸕鷀青黏黃梁隴鼈菽羹臠狝柘漿
左傳昭十一年楚子城陳蔡不羹釋文音郎正義曰古者
羹臠之羹音亦爲郎故魯頌楚辭急就章與房漿糲爲韻
近世以來獨以此地音爲郎耳 陳第曰羹音岡

唐韻

卷五

三

阮

客庚切

古音苦岡反 楚辭九歌大司命高飛兮安翔乘清氣兮
御陰陽吾與君兮齊速導帝之兮九阮 莊子天運篇吾
又奏之以陰陽之和燭之以日月之明其聲能短能長能
柔能剛變化齊一不主故常在谷滿谷在阮滿阮塗卻守
神以物爲量其聲裊裊其名高明 左傳哀十四年阮氏
葬諸丘輿阮音苦庚反或音岡 漢書楊雄傳甘泉賦陳
衆車於東阮兮枹獵賦趾巒阮註並讀作岡 說文阮从
自亢聲 今此字兩收於十二庚四十二宕部中

坑

古音同上 漢東方朔七諫高山崔巍兮水流湯湯从日
將至兮與麋鹿同坑坑文苑作岡 說苑敬慎篇吾嘗見
江河乾爲坑正冬采榆葉仲夏雨雪霜千乘之君萬乘之
主奴而不荅 易林大壯之困道溼爲坑輪陷蹟僵 馬

融圍基賦已下險口兮鑿置清坑窟其中詳兮如鼠入囊
收外卒兮無使相迎當會不會兮反受其殃

盲

武庚切

古音武郎反 老子五色令人目盲五音令人耳聾五味
令人口爽馳騁田獵令人心發狂難得之貨令人行妨惟
聾字非韻 荀子侂詩天地易位四時易鄉列星隕墜旦
暮晦盲 昭昭乎其知之明也郁郁乎其遇時之不祥也

拂乎其欲禮義之

也閻乎天下之晦盲也 呂氏春

秋尊師篇且天生人也而使其耳可以聞不學其聞不若

聾使其目可以見不學其見不若盲使其口可以言不學

其言不若爽使其心可以知不學其知不若狂惟聾字非

韻 任數篇何以知其聾以其耳之聰也何以知其盲以

其目之明也 易林乾之遯翺折目盲為鳩所傷 否之

噬嗑伯蹇叔盲足痛難行終日至暮不離其鄉 大有之

益左眇右盲視暗不明下民多孽君失其常 急就篇茄

唐韻正

卷五

四

疖疥癘癩聾盲 太玄經沈測沈于美作聾盲也宛雜沈

視擇會方也雕鷹高翔在腐糧也見粟如累其道明也離

婁赤肉會不滅也 參同契謬誤失事緒言還自敗傷別

序斯四象以曉後生盲 說文盲从目亡聲 釋名盲茫

也茫茫無所見也 周禮內饗豕盲眊而交睫腥杜子春

云盲眊當為望視

𧈧

古音同上 亦作𧈧管子地員篇其山之芴有彼黃𧈧及

彼白昌山藜葦芒羣藥安聚以圍民殃 易林解之晉去

如奔𧈧害不能傷 淮南子見𧈧字下 晉書潘岳轉激

矢𧈧飛𧈧音莫亡反 說文𧈧从𧈧亡聲

𧈧

古音同上 亦作𧈧詩載馳三章陟彼阿丘言采其𧈧女

子善懷亦各有行許人尤之衆穉且狂 韻補𧈧貝毋艸

說文菌从艸明省聲明謨郎切徐錯繫傳曰貝母一名菌
治目眩不得返顧許穆夫人思歸衛不得而作詩曰言采
其菌今詩作蝨假借愚按蝨菌二字同音蓋傳寫之誤漢
張衡西京賦王勃菌臺蔡邕述行賦萱莢與與臺菌皆作
菌

橫

戶盲切

古音黃 楚辭九辯收恢台之孟夏兮然欲傑而沈藏葉
菸邑而無色兮枝頹罕而交橫顏淫溢而將罷兮柯彷彿
而萎黃前繡慘之可哀兮形銷鑠而瘵傷惟其紛糅而將
落兮恨其失時而無常擘擘繼而下節兮聊逍遙以相徉
歲忽忽而迺盡兮恐余壽之弗將悼余生之不時兮逢此
世之任攘澹容與而獨倚兮蟋蟀鳴此西堂心怵惕而震
盪兮何所憂之多方仰明月而太息兮步列星而極明
宋玉高唐賦於是水蟲盡暴乘渚之陽鼉鼉鱣鮪交積從

唐韻正

卷五

五

橫 戰國策蘇秦說秦惠王約從連橫兵革不藏 荀子
僂詩幽闇登昭日月下藏公正無私反見從橫 靈樞經
師傳篇鼻隧以長以候大腸脣厚人中長以候小腸目下
果大其膽乃橫 論勇篇其肝大以堅其膽滿以傷怒則
氣盛而胃張肝舉而膽橫背裂而目揚毛起而面蒼 漢
嚴忌哀時命車旣弊而馬罷兮蹇邈徊而不能行身旣不
容於濁世兮不知進退之安當冠崔嵬而切雲兮劒淋離
而從橫衣攝葉以儲與兮左祛挂於樽桑右衽拂於不周
兮六合不足以肆行 司馬相如長門賦左右悲而垂淚
兮涕流離而從橫舒息悒而增歛兮蹤履起而彷徨淪長
袂以自翳兮數筭日之嚮映無而日之可顯兮遂穎思而
就牀 淮南子說林訓未嘗稼穡粟滿倉未嘗桑蠶絲滿
囊得之不以道用之必橫 秦族訓輪員輿方轅從衡橫
或從或橫或合眾弱或輔富強 王褒九懷芷闕兮約
房奮搖兮眾芳蘭閣兮蕙樓觀道兮從橫 季春兮陽陽
列艸兮成行余悲兮蘭生委積兮從橫 易林屯之否合

從散橫燕表以強列女傳魯莊哀姜嬖哀姜好邪淫于魯莊延及二叔驕妬縱橫慶父是依國嫡以公齊桓征伐
醜殺哀姜急就篇烏承祿令狐橫通章皆用陽韻太
玄經應次三一從一橫天網賈賈常次五其從其橫天
地之常玄瑩立天之經曰陰與陽形地之緯曰從與橫
表人之行曰晦與明玄文故君子得位則昌失位則良
小入得位則橫失位則蹇揚雄冀州牧箴冀土糜沸炫
法如湯更威更衰載從載橫解朝上說人主下談公卿
目如耀星舌如電光一從一橫論者莫當崔駰河南尹
箴諸夏勁強是從是橫傲我牆屋而師尹不匡後漢書
丁鴻傳臣聞天不可以不剛不剛則三兇不明王不可以
不彊不彊則宰牧從橫周舉傳五經從橫周宣光參
同契委志歸虛無無念以為常證驗以推移心專不縱橫
寢寐神相抱覺寤倏存亡顏色浸以潤骨節益堅強魏
文帝廣陵觀兵詩觀兵臨江水水流何湯湯戈矛成山林
玄甲耀日光猛將懷暴怒膽氣正縱橫誰云江水廣一葦

唐韻正

卷五

六

可以航於黎陽作千騎隨風靡萬騎正龍驤金鼓震上
下干戚紛縱橫白旄若素霓丹旗發朱光雜詩俯視清
水波仰看明月光天漢回西流三五正縱橫艸蟲鳴何悲
孤鴈獨南翔悼天賦氣紆結以填胃不知涕之縱橫時
徘徊於舊處親靈衣之在牀感遺物之如故痛爾身之獨
亡陳思王贈白馬王彪詩大谷何寥廓山樹鬱蒼蒼霖
雨泥我塗流潦浩縱橫中塗絕無軌改撤登高岡修坂造
雲曰我馬玄以黃阮籍莊論見下吳錄吳民歌時歲
倉卒賊縱橫大戟強弩不可當賴遇賢令彭子陽晉張
華博陵王宮俠曲騰超如激電迴旋如流光奮掣當手決
交刃自縱橫寧為殤鬼雄義不入圍牆左思蜀都賦都
人士女袿服靚粧賈貿璫鬻舛錯縱橫異物詭譎奇於八
方蘇彥語箴爾乃游說縱橫騁技時王銜刃懷毒吐膏
示芳利動春露害重冬霜夏侯涪彈碁賦滑石周散勢
縱橫牌撥捶擻應無方後魏衛操桓帝頌遠遭寇暴白
骨交橫謁賊肆虐六郡凋傷羣惡相應圖及華堂旌旗輕

指羯黨破壘 隋書天文志臣有嘉心士不明臣下從橫

大水浩洋 天下大亂兵士亂行戰於野積尸從橫餘

殃不盡為水旱兵飢疾疫之殃 禮記緇衣引詩狐裘黃

黃徐本作橫音黃 白虎通璜者橫也 釋名璜橫也於

管頭橫施於中也以竹鐵作於口橫鼓之亦是也 陳第

巨橫音黃說文橫从木黃聲 按橫字自漢傳毅舞賦羅

衣從風長袖交橫始與頤聲并驚輕清冥為韻

又音光 史記外戚世家先驅旄騎出橫城門如涪曰橫

音光 三輔黃圖漢長安城北面西頭第一門名橫門橫

音光 水經注左傳昭公二十一年樂大心豐愆華輕禦

華向於橫杜預曰梁國睢陽縣南有橫亭今在睢陽縣西

南世謂之光城 淮南子玉橫維其而北之隅註橫猶光

也

去聲則古曠反 禮記明堂位夏后氏以歲註中足為橫

距之象橫音古曠反又音光 樂記號以立橫橫以立武

音古曠反 詩閟宮箋其制足間有橫橫古曠反又音光

唐韻正

卷五

七

今此字三收於十一唐十二庚四十三映部中

蝗

古音同上 說文蝗从虫皇聲 宋庠國語補音蝗字下

云范宣音禮記作橫聲類集韻並音蝗為橫是知古人讀

橫為皇也 今此字三收於十一唐十二庚四十三映部

中

璿

古音同上 說文璿从玉皇聲

蝗

古音同上 詩斯干八章乃生男子載寢之昧載衣之裳

載弄之璿其泣皇皇朱芾斯皇室家君王 執競不顯成

廉上帝是皇自彼成廉奄有四方斤斤其明鐘鼓皇皇磬管將將降福穰穰 說文皇从口皇聲

鐘

古音同上 魏陳思王文帝誅鸞與幽謫龍旂太常爰迄太廟鐘鼓鏗鏘 晉傅玄鏡歌曲神祇應嘉瑞章恭宮禮薦先皇樂時奏磬管鏘鼓殷殷鐘鏗鏘 說文鏗从金皇聲

謹

古音同上 今此字兩收於十一唐十二庚部中

閑

甫旨切

古音甫郎反 爾雅釋宮閑謂之門李巡曰閑廟門名孫炎曰詩云祀祭于祊是也詳見下

唐韻正

卷五

八

祊

古音同上 詩楚茨二章濟濟跄跄絜爾牛羊以往烝嘗或剝或亨或肆或將祀祭于祊祀事孔明先祖是皇神休是饗考孫有慶報以介福萬壽無疆 周禮大司馬羅罈致禽以祀祊註祊當為方聲之誤也詩曰以社以方禮記禮器設祭於堂為祊乎外鄭氏曰祊祭明日之釋祭也謂之祊者於廟門之旁因名焉 說文絜門內祭先祖所以徬徨詩曰祀祭于絜以示彭聲一作祊 按祊字自魏王粲思親詩咨于靡及遘守祧祊始與寧征嬰為韻

駟

古音旁 說文駟从馬旁聲 今此字三收於十一唐十二庚部中

鱣

古橫切

古音炎 說文鱮从角黃聲

鱮

同上 詩卷耳三章陟彼高岡我馬玄黃我姑酌彼兕觥維以不永傷 七月八章九月肅霜十月絳場芻酒斯饗曰殺羔羊躋彼公堂稱彼兕觥萬壽無疆 漢泰山都尉孔宙碑辭南陔孔盭山有夷行豐年多黍稱彼兕觥帝賴其動民斯是皇 魏陳思王車渠椀賦何明麗之可悅超羣寶而特章俟君子之間宴酌甘醴於斯觥既娛情而可貴故永御而不忘 劉慎魯都賦承彝執冪納解授觴引滿輒醕滴瀝受觥 韻補觥姑黃切說文鱮从角黃聲又曰俗鱮从炎

倮

唐韻正

卷五

九

古音同上 說文炎从人炎聲 今此字兩收於十一唐十二庚部中

彭

薄庚切

古音旁 詩清人首章清人在彭駟介旁旁二矛重英河上乎翱翔 載驅三章汶水湯湯行人彭彭魯道有蕩齊子翱翔 出車三章王命南仲往城于方出車彭彭旂旒央央天子命我城彼朔方赫赫南仲玁狁于襄 北山三章四牡彭彭王事傍傍嘉我未老鮮我方將旅力方剛經營四方 大明八章牧野洋洋檀車煌煌駟驅彭彭維師尚父時維鷹揚涼彼武王肆伐大商會朝清明 烝民七章四牡彭彭八鸞鏘鏘王命仲山甫城彼東方 韓奕四章百兩彭彭八鸞鏘鏘不顯其光 駟首章有駟有皇有驪有黃以車彭彭思無疆思馬斯臧 漢劉歆遂初賦求仁得仁固其常兮守信保志比老彭兮 蔡邕祖餞祝文神龜吉兆休氣煌煌著卦利貞天見三光鸞鳴雍雍四牡

彭彭君既升輿道路開張風伯雨師灑道中央陽遂求福
黃尤辟兵蒼龍交轂白虎扶行 易大有九四匪其彭子
夏傳本作翳王弼註亦作匪其翳云翳謂三也 春秋成
十八年晉侯使士魴來乞師襄十二年晉侯使士魴來聘
公羊傳並作彭 釋名彭排軍器也彭翳也在芻排敵禦
攻也

榜

見去聲四十三映韻

笏

古音笏 今此字兩收於十一唐十二庚部中

擣

唐韻正

古音同上 說文擣从手翳聲

卷五

十

笏

古音北朗反 今此字兩收於十二庚三十七蕩部中

亨

許庚切

古音許郎反 易坤彖傳坤厚載物德合无疆含弘光大
品物咸亨 小畜彖傳健而巽剛中而志行乃亨 履彖
傳見下 大有彖傳其德剛健而文明應乎天而時行是
以元亨 噬嗑彖傳見下 大過彖傳剛過而中巽而說
行利有攸往乃亨 遯彖傳遯亨遯而亨也剛當位而應
與時行也小利貞浸而長也 升彖傳巽而順剛中而應
是以大亨用見大人勿恤有慶也南征吉志行也 鼎彖
傳見下 旅彖傳見下 小過彖傳小過小者過而事也

過以利貞與時行也 既濟彖傳既濟亨小者亨也利貞
剛柔正而位當也 太玄經事測丈人扶孤小子知方也
男女事終家不亨也到耳順止逆聞順行也 漢班固典
引厥道至乎經緯乾坤出入三光外運混元內浸豪芒性
類循理品物咸亨 爾衡魯夫子碑文終日乾乾配天之
行在險而正在困而亨竅達之運委諸穹蒼日月則陰天
地不衆腥叢俎崩大猷不綱 華陽國志後語陽升三九
品物始亨帝絃失振任非其良趙昌禍階亂是用長羅州
播蕩朱旌莫亢皮張不造戎醜攸行哀哀元黎顧瞻靡望
黃庭經五嶽之雲氣彭亨保灌玉虛以自償五形完堅
無災殃 按亨字自漢王延壽魯靈光殿賦荷天衢以元
亨始與精寧為韻 張弼曰說文作高玉篇註俗作亨

曄

丑庚切
古音丑郎反 莊子夫子奔逸絕塵而回曄若乎後矣曄
救庚反又丑郎反 玉篇曄丑庚丑郎二切

唐韻正

卷五

十一

櫟

古音同上 漢司馬相如長門賦刻木蘭以為榱兮飾文
杏以為梁羅丰茸之游樹兮離樓梧而相櫟

說文有櫟字从木堂聲玉篇櫟達郎丑庚二切廣韻但收
入十一唐部

鎗

楚庚切
古音七羊反 晉書潘岳傳衝牙錚鎗慕容儁載記今之
鏗鎗鎗並音七將反 說文鎗从金倉聲

鎗

註云俗本音當俗者謂俗書鎗字為鎗也鎗本音當 晉
書石季龍載記漆瓦余鎗音當 說文鎗从全當聲 今
此字兩收於十一唐十二庚部甲

槍

古音七羊反 宋謝瞻張子房詩伊人感代工聿來扶與
王婉婉幙中畫揮輝天業昌鴻門銷薄蝕壞下隕櫬槍爵
仇建蕭宰定都護儲皇 今此字兩收於十陽十二庚部

於驚切

霽

鎡

古並音央 今此二字兩收於十陽十二庚部中

英

古音同上 詩清人見上 有女同車二章有女同行顏
如舜英將翱將翔佩玉將將彼美孟姜德音不忘 著三

唐韻正

卷五

十二

章俟我於堂平而充耳以黃乎而尚之以瓊英乎而 汾
沮如二章彼汾一方言采其桑彼其之子美如英美如英
殊異乎公行 爾雅見下 楚辭離騷朝飲木蘭之墜露

兮夕餐秋菊之落英苟余情其信矜以練要兮長顛領亦
何傷 九歌雲中君浴蘭湯兮沐芳華采衣兮若英靈連

蜨兮既雷爛昭昭兮未央蹇將憺兮壽宮與日月兮齊光
龍駕兮帝服聊翱游兮周章 九章涉江登崑崙兮會玉

英與天地兮比壽與日月兮齊光哀南夷之莫吾知兮旦
余濟乎江湖 遠游聞至貴而遂徂兮忽乎吾將行仍羽

人於丹丘兮雷不臥之舊鄉朝濯髮於湯谷兮夕晞余身
兮九陽吸飛泉之微液兮懷琬琰之華英 管子地員篇

五色雜英各有異章 荀子佺詩仁人絀約敖暴擅疆天
下幽險恐失世英 漢嚴忌哀時命道壅塞而不通兮江

河廣而無梁願至崑崙之縣圃兮采鍾山之玉英 王褒
九懷乘虬兮登陽載象兮上行執發兮蔥嶺夕至兮明光

正飲兮飛泉南采兮芝英宣游兮列宿順極兮彷徨 易

林肯之啖驚駭逐狼不見雄英 揚雄甘泉賦靡薜荔而
爲靡兮折瓊枝以爲芳喻清雲之流霞兮飲若木之露英
集乎禮神之囿登乎頌祇之堂 馮衍顯志賦高吾冠之
岌岌兮長吾佩之洋洋飲六醴之清液兮會五芝之茂英
席後右銘冠帶之貳從容有常威儀之華惟德之英
張衡南都賦及其糾宗緩族論祠蒸嘗以速遠朋嘉賓是
將揖讓而升宴于蘭堂珍羞琅玕充溢圖方琢珣狎獵金
銀琳琅侍者盡媚巾幘鮮明被服維繒履躡華英環才齊
敏受爵傳觴 爾其則有謀臣武將皆能攬戾執猛破堅
摧剛排捷陷扁蹙蹈咸陽高祖階其塗充武攬其英是以
關門反距漢德久長 思玄賦占既吉而無悔兮簡元辰
而俶裝旦余沐於清源兮晡余髮於朝陽激飛泉之瀝液
兮咀石菌之流英 蔡邕胡粟賦因本心以誕節兮疑育
藥之綠英形猗猗以豔茂兮侶翠玉之清明何根莖之豐
美兮將蕃熾以悠長適禍賊之災人兮嗟天折以摧傷
魏文帝倉舒誄既哲且仁爰柔克剛彼德之容茲義肇行

唐韻正

卷五

十三

荷與公子終然允臧空逢介社以永無疆如何昊天彫斯
俊英 陳思王迷迭香賦信繁華之速實兮弗見彫於嚴
霜芳暮秋之幽蘭兮麗崑崙之芝英既經時而收采兮遂
幽殺以增芳 漢高帝贊屯雲斬蛇靈母告祥朱旗既抗
九野披攘禽嬰克殄滅雄英承機帝世功著武湯 大
司馬曹休誄年未弱冠志在雄英高揖名師發言有章東
夏翕然稱曰龍光 劉劭趙都賦若乃季春元巳辰火熾
光挺新贈往被于水陽朱幕蔽野綵帷連岡妖冶呈飾顏
如春英 黃庭經日月列布設陰陽兩神相會化玉英淡
然無味天人糧 上伏命門合明堂通利六府調五行金
木水火土爲王日月列宿張陰陽二神相得下玉英 晉
陸雲贈顧尚書詩披雲藻繡來此舊鄉謙光自抑厥輝愈
揚麗容雖翕孔好已張既照平林具我華英 宋王僧達
祭顏光祿文義竅幾象文蔽班揚性婞剛契志度淵英
梁書劉之遴傳載漢書古本韓彭英盧吳述云淮陰毅毅
杖劔周章邦之傑于實惟彭英化爲侯王雲起龍驤 詩

出其東門正義引白旆中央作英英旂旒中央本亦作英韓詩英英白雲作泱泱潘岳射雉賦天泱泱以垂雲說文英从艸央聲按英字自班固西都賦軼埃熒之混濁鮮顯氣之清英始與榮生燦莖刑庭寧爲韻白雉詩發皓羽兮奮翹英與精成爲韻王延壽魯靈光殿賦駢密石與琅玕齊玉瑞與璧英與矚冷鶯精爲韻琴操處女吟變化坐枝含粲英兮與榮名并清生爲韻袁山松後漢書天下忠貞魏少英天下才英趙仲經此爲變韻之始

瑛

古音同上 易林豫之蠱茹芝削黃飲會玉瑛

礪

撫庚切

古音普郎反 今此字兩收於十一唐十二庚部中

唐韻正

卷五

十四

烹

古音同上亦作亨 詩楚茨見上 瓠葉首章幡幡瓠葉

采之亨之君子有酒酌言嘗之 禮記禮運見上 墨子

耕柱篇鼎成三足而方不炊而自烹不舉而自臧不遷而

自行 韓非子內儲說下狡兔盡則良犬烹敵國滅則謀

臣亡 史記越世家蜚鳥盡良弓藏狡兔死走狗烹 伍

子胥傳事成爲卿不成而烹 淮陰侯傳狡兔死良狗烹

高鳥盡良弓藏敵國破謀臣亡 淮南子說林訓狡兔得

而獵犬烹高鳥盡而強弩藏 文子同 易林蠱之損弩

弛弓藏良犬不烹內無怨女征夫杜堂 太玄經竈次七

脂牛正肪不濯釜而烹 按烹字自魏陳思王矯志詩芝

桂雖芳難以餌烹始與名爲韻 張弼曰說文膏許兩切

又普庚切又許庚切俗改享烹亨三體廣韻亨註俗作烹

烹

舉卿切

古晉疆 詩定之方中二章望楚與堂景山與京降觀于

桑卜云其吉終然允臧 下泉首章冽彼下泉浸彼苞稂

懷我寤歎念彼周京 正月首章正月繁霜我心憂傷民

之訛言亦孔之將念我獨兮憂心京京哀我小心痲憂以

瘁 甫田四章曾孫之稼如茨如梁曾孫之庾如坻如京

乃求千斯倉乃求萬斯箱黍稷稻粱農夫之慶報以介福

萬壽無疆 文王五章侯服于周天命靡常殷士膚斃裸

將于京 大明二章摯仲氏任自彼殷商來嫁于周曰嬪

于京乃及王季維德之行太任有身生此文王 六章有

命自天命此文王于周于京纘女維莘長子維行篤生武

王保右命爾變伐大商 皇矣六章依其在京侵自阮疆

陟我高岡 下武首章下武維周世有哲王三后在天王

配于京 文王有聲七章考卜維王宅是鎬京 篤公劉

三章迺陟南岡迺觀于京 左傳莊二十二年懿氏卜繇

是謂鳳皇于飛和鳴鏘鏘有嬀之後將育于姜五世其昌

竝于正卿八世之後莫之與京 易林蠱之歸妹下泉苞

唐韻正

卷五

十五

稂十年九王荀伯遇時憂念周京 急就章門戶井竈廡

困京 揚雄楚充國頌營平守節屢奏封章料敵制勝威

謀靡亢遂克而戎還師于京 雍州牧箴上帝不寧命漢

作京隴山以徂列為西荒 法言寡見篇管在姬公用於

周而四海皇皇奠枕于京孔子用於魯齊人章章歸其侵

疆 馮衍顯志賦發軔新豐兮乘回鎬京陵飛廉而太息

兮登平陽而懷傷悲時俗之險阨兮哀好惡之無常棄衡

石而意量兮隨風波而飛揚 班固東都賦遂綏哀牢開

永昌春王三軌會同漢京 梁鴻五噫歌陟彼北芒兮噫

顧瞻帝京兮噫 魏武帝薤露歌惟漢廿二世所任誠不

良沐猴而冠帶知小而謀彊猶豫不敢斷因狩執君王白

虹為貫日已亦先受殃賊臣持國柄殺王滅宇京蕩覆帝

基業宗廟以燔燼播越而遷移號泣而且行瞻彼雒城郭

微子為哀傷 陳琳武軍賦漢季世之不辟青龍紀乎大

荒熊狼競以拏攫神寶播乎鎬京 黃庭經取津玄膺入

明堂下漑龍喉通神明坐侍華蓋游貴京飄飄三帝席清

涼 晉成公綏魏相國舞陽宣文侯司馬公諱巴蜀作寇
侵我邊疆乃眷西顧董統雍京丹麾所指莫之敢抗 晉
繁舞歌天命篇諸葛不知命肆逆亂天常擁徒十餘萬數
來寇邊疆我皇邁神武秉鉞鎮雍京亮乃畏天威未戰先
仆僵 陸雲寒蟬賦聽如飛恣之遺驚風吵如輕雲之麗
太陽華靈鳳之羽儀嗜皇都乎上京跨天路於萬里豈蒼
蠅之尋常 故散騎常侍陸府君誄運在九五違嶮卽康
猗歎高懿避風遠臧帝降大命丘園是揚裸將天邑舒藻
舊京 張載扇賦夫製素製圓剖竹爲方五明起於名都
九華興於上京 山海經海外北經北方禺彊莊子註一
作禺京 魏應璩與滿炳書是京臺之樂也得無流而不
反乎與從弟君苗君冑書楚人流遁於京臺是用戰國策
魯共公強臺之樂語 說文涼涼諒掠皆以京得聲 按
京字自漢韋孟諷諫詩乃眷南顧授漢于京始與寧征平
爲韻牽玄成自効詩致我小子越雷于京與形聲爲韻班
固西都賦博我以皇道弘我以漢京與情爲韻乃眷西顧
寔惟作京與靈成爲韻幽通賦皇十紀而鴻漸兮有羽儀
於上京與靈聲爲韻崔駰河南尹箴茫茫天區畫冀爲京
與營爲韻

唐韻

卷五

十六

麇

古音同上 說文麇从鹿畺聲

麇

同上 說文麇或从京聲

明

武兵切

古音諫卽反今以字母求之卽當作彌卽反 書益稷元
首明哉股肱良哉庶事康哉 洪範無虐罔獨而畏高明

人之有能有為使羞其行而邦其昌 詩維鳩二章東方

明矣朝既昌矣匪東方則明月出之矣 東方未明首章

啄我梁此邦之人不可與明言旋言歸復我諸兄 大東

楚茨拉見上 信南山六章是烝是苾苾芬芬祀事孔

明先祖是皇神保是饗報以介福萬壽無疆 甫田二章

以我齊明與我犧羊以社以方我田既臧農夫之慶 大

明見上 既醉二章既醉以酒爾殽既將君子萬年介爾

昭明 民勞首章民亦勞止汙可小康惠此中國以綏四

方無縱詭隨以謹無良式遏寇虐憚不畏明柔遠能邇以

定我王 板八章昊天曰明及爾出王 蕩見下 烝民

四章肅肅王命仲山甫將之邦國若否仲山甫明之 執

競見上 敬之口就月將寧有緝熙于光明佛時仔肩示

我顯德行 有駮首章有駮有駮彼乘黃夙夜在公在

公明明 易履象傳履柔履剛也說而應乎乾是以履虎

尾不噬人亨剛中正履帝位而不疚光明也 大有象傳

唐韻正

卷五

十七

見上 謙象傳謙亨天道下濟而光明地道卑而上行

噬嗑象傳噬嗑而亨剛柔分動而明雷電合而章柔得中

而上行 晉象傳明出地上順而麗乎大明柔進而上行

睽象傳說而麗乎明柔進而上行得中而應乎剛 鼎

象傳巽而耳目聰明柔進而上行得中而應乎剛是以元

亨 艮象傳時止則止時行則行動靜不失其時其道光

明 旅象傳旅小亨柔得中乎外而順乎剛止而麗乎明

屯象傳求而往明也屯其膏施未光也泣血漣如何可

長也 訟象傳不永所事訟不可長也雖小有言其辯明

也 履象傳跛能履不足以有行也眇能視不足以與明

也 噬人之凶位不當也武人為于大君志剛也愬愬終吉

志行也 夬履貞厲位正當也元吉在上大有慶也 噬嗑

象傳屨校滅趾不行也噬膚滅鼻乘剛也遇毒位不當也

利艱貞吉未光也貞厲无咎得當也何校滅耳聽不明也

夬象傳其行次且位不當也聞言不信聽不明也中行

无咎中未光也无號之凶終不可長也 困象傳入于幽

谷幽不明也困于酒會中有慶也據于蒺藜乘剛也入于其宮不見其妻不祥也 豐象傳豐其蔀位不當也日中

見斗幽不明也遇其夷主吉行也六五之吉有慶也豐其屋天際翔也闐其戶闐其無人自藏也 乾文言潛龍勿

用陽氣潛藏見龍在田天下文明終日乾乾與時偕行禮記月令是月也毋用火南方可以居高明可以遠眺望

呂氏春秋同 郊特牲是故苞國之社屋之不受天陽也薄社北嚙使陰明也 祭義其氣發揚于上爲昭明焄

蒿悽愴 孔子閒居無聲之樂日聞四方無體之禮日就月將無服之容純德孔明 中庸果能此道矣雖愚必明

雖柔必強 爾雅見下 楚辭九歌東君暉將出兮東方照吾檻兮扶桑撫余馬兮安驅夜皎皎兮既明 天問何

闕而晦何開而明角宿未旦曜靈安藏 九章惜誦擣木蘭以矯桂兮繫申椒以爲糧播江離與滋菊兮願春日以

爲糗芳恐情質之不信兮故重著以自明 懷沙玄文處幽兮矇眊謂之不章離婁微睇兮瞽以爲無明 悲回風

唐韻正

卷五

十八

悲回風之搖蕙兮心寃結而內傷物有微而隕性兮聲有隱而先倡夫何彭咸之造思兮暨志介而不怠萬變其情

豈可益兮孰虛僞之可長鳥獸鳴以號羣兮艸苴比而不芳魚茸鱗以自別兮蛟龍隱其文章故茶苦不同晦兮蘭

茁幽而獨芳惟佳人之永都兮更統世而自貶眇遠志之所及兮憐浮雲之相羊介眇志之所惑兮竊賦詩之所明

卜居夫尺有所短寸有所長物有所不足智有所不明九辯見上 竊悲夫蕙華之曾敷兮紛旖旎乎都房何

曾華之無實兮從風雨而飛颺以爲君獨服此蕙兮羌無以異於衆芳閔奇思之不通兮將去君而高翔心閔憐之

慘悽兮願一見而有明重無怨而生離兮中結軫而增傷大招田邑千畝人阜昌只美冒衆流德澤章只先威後

文善美明只魂乎歸徠賞罰當只 雄雄赫赫天德明只三公穆穆登降堂只諸侯畢極立九卿只昭質既設大侯

張只執弓挾矢揖辭讓只魂乎徠歸尚三王只 老子復命曰常知常曰明 不自見故明不自是故彰 跂者不

立跨者不行自見者不明自是者不彰 知人者智自知者明勝人者有力自勝者強 是謂微明柔勝剛弱勝強

見小曰明守柔曰強用其光復歸其明無遺身殃是謂習常 知和曰常知常曰明益生曰祥心使氣曰強 管子問篇度必明失經常 心術下篇能戴大圓者體乎大方鏡大清者視乎大明 五行篇三曰黃鍾麗炎四曰景鍾味其明五曰黑鍾隱其常 七臣七主篇申主任勢守數以爲常周聽近遠以續明 侵主好惡反法以自傷喜決難知以塞明 孫子火攻篇故以火佐攻者明以水佐攻者強 莊子天運篇見上 知北游篇邀於此者四枝彊思慮恂達耳目聰明其用心不勞其應物無方天不得

不高地不得不廣日月不得不行萬物不得不昌 墨子尚賢篇若日之炗若月之明與天地同常 慎子不聰不明不能爲王 荀子不苟篇通則文而明窮則約而詳 儒效篇焯焯兮其用知之明也脩脩兮其用統類之行也 綏綏兮其有文章也熙熙兮其樂人之臧也隱隱兮其恐

人之不當也 王霸篇詩云如霜雪之將將如日月之明明爲之則存不爲之則亡 禮論篇天地以合日月以明四時以序星辰以行江河以流萬物以昌好惡以節喜怒以當以爲下則順以爲上則明萬物變而不亂貳之則惑也 大戴禮同 史記禮書同 解蔽篇傳曰知賢之謂明輔賢之謂彊勉之彊之其福必長 詩曰墨以爲明狐

狸其蒼 成相篇請成相道聖王堯舜尚賢身辭讓許由善卷重義輕利行顯明 契玄王生昭明居於砥石遷于商十有四世乃有天乙是成湯 請成相言治方君論有五約以明君謹守之下皆平正國乃昌 君法明論有常表儀旣設民知方進退有律莫得貴賤訛私王 賦篇非絲非帛文理成章非日非月爲天下明生者以壽歿者以

暮城郭以固三軍以彊 侷詩見上 大戴禮曾子天圓篇天道曰圓地道曰方方曰幽而圓曰明 司馬法定爵篇物旣章目乃明慮旣定心乃強 逸周書小開武解三

極旣明五行乃常 大戒解其位不尊其謀不陽我不畏

唐韻正

卷五

十九

敬材在四方無擅于人塞匿勿行忠戒咸服孝悌乃明
周祝解故惡姑幽惡姑明惡姑陰陽惡姑短長 六韻守
土篇因其明順其常 文啟篇求而得之不可不藏既以
藏之不可不行既以行之勿復明之 素問生氣通天論
陽氣者若天與日失其所則折壽而不彰故天運當以日
光明 陰陽應象大論天不足西北故西北方陰也而人
右耳目不如左明也地不滿東南故東南方陽也而人左
手足不如右強也 六節藏象論五氣入鼻藏於心肺上
使五色脩明音聲能彰 著至教論別而未能明明而未
能彰足以治羣僚不足至侯王願得受樹天之度四時陰
陽合之別星辰與日月光以彰經術後世益明上通神農
著至教疑於二皇 示從容論今夫脉浮大虛者是脾氣
之外絕去胃外歸陽明也夫二火不勝三水是以脉亂而
無常也四支解墮此脾精之不行也喘欬者是水氣并陽
明也血泄者脉急血無所行也若夫以爲傷肺者由失以
狂也不引此類是知不明也 疏五過論診病不審是謂

唐韻正

卷五

二十

失常謹守此治與經相明上經下經揆度陰陽奇恒五中
決以明堂審於終始可以橫行 方盛衰論脉動無常散
陰頗陽脉脫不具診無常行診必上下度民君卿受師不
卒使術不明不察逆從是爲妄行持雌失雄棄陰附陽不
知并合診故不明傳之後世反論自章 是以診有大方
坐起有常出入有行以轉神明 靈樞經終始篇凡刺之
道氣調而止補陰寫陽音氣益彰耳目聰明反此者血氣
不行 外揣篇五音不彰五色不明五藏波蕩 陰陽二
十五人篇余願得而明之金匱藏之不敢揚之 大惑論
篇是故瞳子黑眼法於陰白眼赤脉法於陽也故陰陽合
傳而精明也 呂氏春秋盡數篇見下 任數篇見上

審時篇百日會之耳目聰明心意叡智四衛變彊勉氣不
入身無苛殃 史記秦始皇紀鄒嶧山刻石文二十有六
年上薦高號孝道顯明既獻泰成乃降專惠親巡遠方
琅邪臺刻石文古之五帝三王知教不同法度不明假威
鬼神以欺遠方實不稱名故不久長其身未殛諸侯倍叛

法令不行 之眾東觀刻石文維二十九年皇帝春游覽
 省遠方逮于海隅遂登之眾昭臨朝陽觀望廣麗從臣咸
 念原道至明聖法初興清理疆內外誅暴彊武威奮揚振
 動四極禽滅六王闡并天下舊害絕息永偃戎兵 會稽
 山刻石文遂登會稽宣省習俗黔首齋莊羣臣誦功本原
 事迹追首高明秦暉臨國始定刑名顯陳舊章初平法式
 審別職任以立恒常六王專倍貪戾傲猛率眾自強暴虐
 恣行負力而驕數動甲兵 天官書玄色甚明江池其昌
 不利起兵 晝見而經天是謂爭明彊國弱小國彊女主
 昌 封禪書德星昭衍厥維休祥壽星仍出淵耀光明信
 星昭見皇帝敬拜太祝文高 龜策傳殺周太子歷囚文
 王昌投之石室將以箝至明陰兢活之與之俱亡 太史
 公自序虛者道之常也因者君之綱也羣臣竝至使各自
 明也 漢既初定文理未明蒼為主計整齊度量 陸賈
 新語術事篇書為曉者傳事為見者明制事者因其則服
 藥者因其良書不必起仲尼之門藥不必出扁鵲之方合

之者善可以為法因世而權行 至德篇為威不強還自
 凶立法不明還自傷 賈誼新書大政上篇知善而弗行
 謂之不明知惡而弗改必受天殃 修政語上篇故道以
 數取之為明以數行之為章以數施之萬姓為藏 說苑
 同 漢武帝悼李夫人賦既激感而心逐兮包紅顏而弗
 明驩接狎以離別兮宵寤夢之茫茫 司馬相如長門賦
 見上 東方朔七諫世俗更而變化兮伯夷餓於首陽獨
 廉潔而不容兮叔齊久而愈明 漢書天文志太白經天
 天下革民更王是謂亂紀人民流亡晝見與日爭明彊國
 弱小國彊女主昌 禮樂志郊祀歌天地篇長曆前揆光
 耀明寒暑不忒况皇章 天門篇幡比被回集貳雙飛常
 羊月穆穆以金波日華耀以宣明 安世房中歌孔容之
 常承帝之明下民之樂子孫休光 承容之常承帝之明
 下民安樂受福無疆 量鎔傳言者不狂而擇者不明
 使夫不明擇于不狂是以萬聽而萬不當也 淮南子原
 道訓約而能張幽而能明弱而能強柔而能剛 文子

日月以之明星歷以之行麟以之游鳳以之翔至人

之治也掩其文章滅其聰明文子同 筋力勁強耳目

聰明文子同 傲真訓能戴大圖者履大方鏡大清者

視大明立大平者處大堂能游於冥冥者與日月同光

文子同 天文訓天道曰圓地道曰方方者主幽圓者主

明 登于扶桑爰始將行是謂朏明至于曲阿是謂旦明

又見下 時則訓與天合德與神合明所欲則得所惡

則凶自古及今不可移匡 敦敦陽陽唯德是行養長化

育萬物蕃昌以成五穀以實封疆其政不失天地乃明

覽冥訓消知能修太常懸肢體純聰明文子同 精神

訓夫天地之道至絃以大尚猶節其章先愛其神明文

子同 本經訓焜昱錯眩照耀輝煌偃蹇蓼糾曲成文章

雕琢之飾鍛錫文鏡乍晦乍明 道應訓吾知道之可以

弱可以強可以柔可以剛可以陰可以陽可以窈可以明

可以包裹天地可以應待無方文子同 兵略訓所謂

道者體圓而法方背陰而抱陽左柔而右剛履幽而戴明

變化無常得一之原以應無方是謂神明文子同 彼

非輕刃而樂傷也爲其賞信而罰明也 約束信號令明

兩軍相當鼓鐔相望未至兵交接刃而敵人奔亡文子

同 先忤而後合前冥而後明若鬼之無迹若水之無創

說林訓石生而堅蘭生而芳少自其質長而愈明文

子同 百星之明不如一月之光十漏畢開不若一戶之

明文子同 修務訓見氓字下 舜二瞳子是謂重明

作事成法出言成章 泰族訓其生物也冥見其所養而

物長其殺物也莫見其所惡而物亡此之謂神明文子

同 文子自然篇清虛者天之明也無爲者治之常也

上執大明下用其光 下德篇日月清淨而揚光五星不

失其行此清淨之所明也 上禮篇主闇味而不明道廢

而不行德滅而不揚 鶡冠子王鈇篇堦以全犧正以齋

明四時官之祀以家王 泰鴻篇是故有道南面執政以

衛神明左右前後靜侍中央 舉載神明華天上揚 春

秋繁露能冥則明能昏則彰 說苑建本篇少而好學如

日出之陽壯而好學如日中之光老而好學如炳燭之明
炳燭之明孰與昧行乎 敬慎篇大功之效在於用賢積
道浸章浸明衰滅之過在於得意而怠浸寒浸亡 談叢
篇心如天地者明行如繩墨者章 喜怒不當是謂不明
辨物篇景鳴曰發明晝鳴曰係長飛鳴曰上翔集鳴曰
歸昌 能為幽能為明能為短能為長 列女傳湯妃有
娶頌湯妃有娶賢行聰明勝從伊尹自夏適商勤慈治中
九嬪有行化訓內外亦無愆殃 魯季敬姜頌文伯之母
號曰敬姜通達知禮德行光明 晉趙衰妻頌趙衰姬氏
制行分明身雖尊貴不妬偏房 齊靈仲子頌齊靈仲子
仁智顯明靈公立牙廢姬子光仲子強諫棄適不祥公既
不聽果有禍殃 魏曲沃負頌見下 邵陽友娣頌見下
急就篇戴護郡景君明 易林坤之未濟履離戴光天
卜昭明功業不長蝦蟆代王 屯之既濟棟隆輔強寵貴
日光福善並作樂以高明 蒙之乾海為水王聰暝且明
之睽戌亥滅明顏子隱藏 比之賁見丁 之兌陰不

唐韻正

卷五

奉陽上失其明 小畜之復心狂精傷莫使為明不見日
光 履之小過離婁之明無益為光 否之復出和入明
動作有光運轉休息所為允康 大有之師三火起明雨
滅其允高位疾顛驕恣誅傷 之泰稍進陽光登入溫湯
功德昭明 之臨離載陽光天下昭明 之遯三癡六狂
欲之平鄉迷惑失道不知昏明 之益見上 謙之屯東
璧餘光數暗不明 之蠱裸臥失明菴我貝囊銜卸道旁
蠱之比視暗不明雲蔽日光不見子都鄭人心傷 之
豫味視無光夜不見明冥抵空牀季葉逃凶 之震德惠
孔明主君復章係其室堂 之節英俊在堂福祿光明
臨之師六人俱行各遺其囊鴻鵠失珠無以為明 觀之
訟目闇不明讒夫狂堂右臂疾痺君失其光 賁之中日
出阜東山蔽其明章甫薦屨箕子佯狂 剝之大有庭燎
夜明追嗣日光 之萃兩目失明日奪無光脛足跛曳不
可以行頓於丘旁 復之同人惡災殆盈日益章明禍不
可救三卻夷傷 无妄之蒙鬱映不明陰積無光日在北

陸萬物彫藏 大畜之萃雞狗相望仁道篤行不吠尋明

各安其鄉 之渙夜視失明不利遠鄉 頤之渙火息無

光千歲不長殷湯遠明 大過之臨陰制其陽唐叔失明

之大畜車馬疾傷不利越鄉幽人無貪去晦就明 坎

之泰朝不見光夜不見明暝抵空牀季女奔亡愴然心傷

離之觀陰蔽其陽目暗不明君憂其國求駢得黃駒饋

從行 之大壯緩德孔明履祿久長貴且有光 恒之隨

味且不明日暗無光喪滅失常使我心傷 大壯之姤婚

禮不明男女失常 解之豐雷鼓東行稼穡彫傷大夫執

政君替其明 益之鼎仁德孔明患禍不傷 之節宇宙

滅明不見三光 夬之損見慶字下 姤之恒霧露雪霜

日暗不明陰孽為疾爭殺大傷 萃之謙爵秩不明為臣

所傷眾陰羣聚其奪日光 升之賁日鏡不明冬災大傷

盜華失寶十年消亡 之革日居月諸遇暗不明長夜喪

甲絕其紀綱 困之泰陰雲四方日在中央人雖昏霧我

獨昭明 之明夷塞聰閉明般人賈傷 井之剝媒妁無

唐韻

卷五

明雖期不行齊女長子亂我紀綱 小過之大過冥昧失

明奪精無光棄于道旁 既濟之需乘龍光土先暗後明

瘡獵大得太師以昌 太玄經童測見去聲慶字下 達

測中冥獨達內曉無方也迷腹達目以道不明也蒼木維

流內恕以量也小達大迷獨曉隅方也 更測冥化否貞

少更方也時七時九不失當也化白于泥變不明也更之

小得民所望也 彊次四爻聰爻明左右樞樞 睽陽氣

灼睽清明物咸重光保厥昭陽 法測見下 常測見下

視初一內其明不用其光 沈測見上 晦測脂提明

德將遵行也視非夷目國以苞也晦冥之利不得獨明也

止測止于止智足明也車軻馬止不可以行也關其門

戶禦不當也 玄攤知陰知陽知止知行知晦知明者其

唯玄乎 玄瑩見上 玄文昆命劬薄資懷無方神戰于

玄邪正兩行龍出于中法度文明庠虛之否臣道不當日

正于天乘乾之剛 玄規離張之瑩明之 玄告上連下

連非一方也遠近無常以類行也或多或少或寡事適乎明也

揚子法言問神篇天行天明照知四方 先知篇車服以彰之藻色以明之聲音以揚之詩書以光之 揚雄元后誄見去聲慶字下 越絕書德序外傳記經百八章上下相明 敘外傳記馮來東征外替其疆不直白斥託類自明 山海經註引連山繇辭空山之蒼蒼八極之既張乃有夫羲和是主日月職出入以爲晦明 尚書考靈曜秋政不失人民昌冬政不失少疾惑五政不失百穀惟熟日月光明 通天文者明審地理者昌 樂稽耀和角致發明身仁徵致焦明身禮商致鸛鶴身義羽致鳳皇身智宮致幽昌身信 馮衍顯志賦駟素剌而馳騁兮乘翠雲而相佯就伯夷而折中兮得務光而愈明 班固辟雍詩見下 馬融廣成頌彼固未識夫雷霆之爲天常金革之作昏明也 張衡東京賦見上 南都賦見上 黃香九宮賦握璇璣而布政總四七而持綱和日月之光曜均節度以運行序列宿之煥爛咸垂景以煌煌歷天陰之晦暗陽土石以炳明 蔡邕胡栗賦見上 鄭氏詩譜舉一綱

唐韻正

卷五

二十五

而萬目張解一卷而敘篇明 荀悅漢紀贊其在中葉實有陶唐丕顯伊則配天惟明蕩蕩厥猷有煥其章至于有周對日重光 諸葛亮司馬季主墓碑辭玄漠太寂混合陰陽天地交泮萬品滋彰先生理著分別柔剛鬼神以觀六度顯明 博雅木神謂之畢方火神謂之游光金神謂之清明 龍能高能下能小能巨能幽能明能短能長淵深是藏數和其光 後漢書丁鴻傳見上 五行志註引說文五方神鳥東方曰發明南方曰焦明西方曰鸛鷖北方曰幽昌中央曰鳳皇 漢從事武梁碑辭懿德玄通幽以明兮隱居靖處休曜章兮樂道忽榮坐蘭芳兮身沒名存傳無疆兮 成陽令唐扶頌以仁恤弱以義抑彊恩由春夏威如秋霜賞罰分審白黑著明 小黃門譙敏碑辭於穆使君盛德昭明爰惟懿業帥由舊章 漢三神鑑銘吾作明鏡幽鍊三商配像禺疆競從序道敬奉賢良周刻典祀百身長樂衆事主陽福祿正明富貴安樂子孫蕃昌賢者高顯至于公卿與師命長 清明鑑銘漢有善銅出

丹陽和以銀錫清且明左龍右虎尚三光朱雀玄武順陰陽三國志管輅傳雖有小牙微而不強雖有文章蔚而

不明魏阮籍通易論自乾元以來施平而明盛衰有時剛柔無常或得或失一陰一陽出入吉凶山閭察影黃

庭經外應尺宅氣色芳光華所生以表明黃錦玉衣帶虎章注念三老子輕翔長生高僊遠从缺又見上我神

魂魄在中央隨鼻上下知肥香立於懸靡通神明下於喉嚨通神明過華蓋下清且涼晉傅玄鼓吹曲見下

吏部尚書箴處唯舌者患銓衡之無常不忠於不明張華應詔祖道趙王詩崇選穆穆利建明明於顯穆親時惟

我王宋鮑照學劉公幹體詩白日正中時天下其光明北園有細艸當晝正含霜隋書天文志見上白虎通

四十五日清明風至清明者清也春秋考異鄧四十五日清明風至清明者精也杜牧也水經注洛陽清明

門亦曰芒門按明字自素問四氣調神大論秋三月此謂容平天氣以急地氣以明早臥早起與雞俱興使志安

唐韻正

卷五

二十六

寧以緩秋刑收斂神氣使秋氣平無外其志使肺氣清始難入平清等字爲韻然古文中亦有一二不拘者此篇明

與二字亦可不入韻六韜奇兵篇將不智則三軍大疑將不明則三軍大傾乃音之始變也漢世之文自王褒四

子講德論天符旣章人瑞又明與精靈爲韻班婕妤自悼賦蒙醒皇之渥惠兮當日月之盛明與靈庭成爲韻漢書

敘傳襲行天罰赫赫明明與經平爲韻炫炫上天縣象著明與精成形爲韻馮公矯魏增主之明與平爲韻四國絕

祀河間賢明與輕營聲盈爲韻勒成一家大略孔明與刑精經爲韻廣漢尹京克聰克明與平刑聲爲韻班固西都

賦天人合應以發皇明與靈成爲韻北征頌資天心謨神明與冥城徑庭爲韻泗水亭碑銘炎火之德彌光以明與

榮爲韻傅毅北海王詠維王勛德是昭是明與銘聲榮爲韻崔駰大理箴熙又帝載秀施作明與平清聽迸爲韻崔

瑗尚書箴無曰我審而愈爾明與庭成清榮經聲爲韻張衡東京賦含德章臺天祿宣明與寧爲韻王逸九思陽氣

發兮清明與靈榮娛爲韻王延壽魯靈光殿賦粵若稽古
帝漢祖宗濬哲欽明與精寧爲韻古辭王子喬養民若子
事父明與平寧爲韻蔡琰胡笳十八拍鞞鼓喧兮從夜達
明與城生驚情營成平爲韻自此以後庚耕清青四韻中
字雜然同用矣

盟

古音同上 詩巧言三章君子屢盟亂是用長 靈樞經
終始篇和氣之方必通陰陽五藏爲陰六府爲陽傳之後
世以盟爲盟敬之者昌慢之者凶無道行私必得天殃
史記太史公自序不肯柯盟桓公以昌九合諸侯霸功顯
彰田闕爭寵姜姓解凶 又見上 祭仲要盟鄭久不昌
易林解之益黃池要盟越國以昌 列女傳楚成鄭魯
頌子晉先識執節有常與於不顧卒配成王知商臣亂言
之甚強自嫌非子以殺身盟 黃庭經十讀四拜朝太上

唐韻正

卷五

二十七

先調太帝後北向黃庭內經玉書嗚授者曰師受者盟

鳴

古音同上 漢司馬相如上林賦拂翳鳥捎鳳皇捷鶴雖
掩焦鳴史記作明 亦作明劉向九歎駕鸞鳳以上游兮
從玄鶴與焦明孔鳥飛而送迎兮騰羣鶴於瑤光

振

直更切

古音長 詩丰俟我乎堂兮箋堂當作振 孔子弟子申
振史記作申黨 說文振从木長聲

党

古音同上 考工記弓人弓有六材馬維幹強之張如流
水維體防之引之中參維角党之 說文党从止尚聲

兵

甫明切

古音必良反

詩擊鼓首章擊鼓其鏜踴躍用兵土國城

漕我獨南行

無衣三章豈曰無衣與子同裳王于興師

修我甲兵與子偕行

抑四章肆皇天弗尚如彼流泉無

淪胥以亾夙與夜寐灑灑歸廷內維民之章修爾車馬弓矢

戎兵用戒戎作用邊蠻方

左傳哀九年是謂沈陽可以

與兵利以伐姜不利子商

禮記月令是月也不可以稱

兵稱兵必天殃

呂氏春秋同

管子問篇備用必足

人有餘兵詭陳之行以慎國常

吳子治兵篇投之所往

天下莫當名曰父子之兵

應變篇募吾材士與敵相當

輕足利兵以為前行分陣別騎隱於四旁相去數里無見

其兵

司馬法定爵篇凡五兵五當長以衛短短以救長

迭戰則久皆戰則強

用叙篇選良次兵是謂益人之強

唐韻正

卷五

二十八

荀子倭詩志慶公利重樓疏堂無私罪人懲革貳兵

大略篇非其人而教之齋盜糧餉賊兵也

戰國策蘇秦說秦惠王綴甲厲兵效勝於戰場

呂氏春秋侈樂篇樂不樂者其民必怨其生必傷其王之與樂也若味之於炎

日反以自兵

晉律篇夷則之月修法飭刑選士厲兵詰誅不義以懷遠方

史記秦始皇紀之采東觀刻石文會稽山刻石文並見上

天官書五星同色天下偃兵百姓寧昌

又見上

又見下

龜策傳艸木畢分化為甲兵戰勝攻取莫如元王

枚乘七發其始起也洪林林馬若白鷺之下翔其少進也浩浩澄澄如素車白馬帷蓋之張

其波涌而雲亂擾擾馬如三軍之騰裝其旁作而奔起也飄飄馬如輕車之勒兵

淮南子天文訓為疾為卷為饑為兵出入無常

太陰治春則欲行柔惠溫涼太陰治夏則欲布施宣明太陰治秋則欲修備繕兵太陰治冬則欲

猛毅剛彊三歲而改節六歲而易常故三歲而一饑六歲而一衰十二歲一康

時則訓動眾興兵必有天殃土潤

得暑大雨時行利以殺艸糞田疇以肥土壘 說山訓得
萬人之兵不如聞一言當 文子同 說林訓蘭芝以芳
未嘗見霜鼓造辟兵壽盡五月之望 文子同鼓造作蟾
蜃 鸚冠子王鈇篇文則寢天下之兵武則天下莫能當
說苑指武篇兩壘相當旌旗相望塵埃相接接戰構兵

談叢篇口者關也舌者兵也出言不當反自傷也 列

女傳魏曲沃負頌魏負聰遠非刺哀王王子納妃禮別不

明負款王門陳列紀綱王能自修卒無敵兵 急就篇爰

展世高辟兵 易林訟之失凶失刀兵身全不傷 比之

蒙盜堯衣裳桀跖荷兵青禽照夜三日夷傷 无妄之謙

東行辟兵南去不祥 坎從我唯陽可避刀兵與福俱行

有命久長 蹇之離見不 之失向日揚光火爲正王消

全厥兵雷車避藏陰雨不行民定其鄉 益之臨帶季兒

良時利權兵將師合戰敵不能當趙魏以強 艮之坎銷

全鑄兵雷車不行民安其鄉 嚴遵座右銘讒佞者刎頸

之兵殘酷者絕世之殃陷害者滅嗣之場 揚雄甘泉賦

唐韻正

卷五

二十九

於是乃命羣僚歷吉日協靈辰星陳而天行詔招搖與太
陰兮伏鉤陳使當兵屬堪輿以璧壘兮捐夔魃而扶獮狂
并州牧箴太上曜德其次曜兵德兵俱顛靡不悴荒牧
臣司并敢告執綱 劇秦美新獨秦崛起西戎邠荒岐雍

之疆因襲文宣靈之僭跡基孝公茂惠文奮昭莊至政破

從擅衡并吞六國遂稱乎始皇威從鞅儀韋斯之邪政馳

驚起翦恬賞之用兵 劉歆遂初賦荀寅肆而顛恣兮吉

敘外傳記動作不當天與其殃知此上事乃可用兵 漢

書天文志五星同色天下匿兵百姓安寧歌舞以行不見

災疾五穀蕃昌 又見下 春秋合誠圖大陵星主外壘
東井主水衡獄漢主逐王五殘主國凶旬始主爭兵 白

虎通武王望羊是謂攝揚盱目陳兵天下富昌 吳越春
秋望敵設陳飛矢揚兵履腹涉虜血流湧湧 馬融圍碁
賦略觀圍碁兮法於用兵三尺之局兮爲戰鬪場陳眾士
卒兮兩敵相當拙者無功兮弱者先亡 蔡邕祖餞祝文

見上 漢幽州刺史朱通碑辭無以仁德渙若風紉分命
部隊出竟觀兵 晉書天文志天子張天下畫兵 隋書
天文志星與日爭光武且弱文且強女子爲王在邑爲喪
在野爲兵 宋程大昌演繁露引裴玄新言曰五月五日
集五綵繒謂之辟兵不解以問伏君伏君曰青赤白黑爲
之四面黃居中央名曰變方綴之於複以示婦人卷蠶之
工也傳聲者誤以爲辟兵 按兵字自魏王粲刀銘相時
陰陽制茲利兵始與清呈形靈爲韻陳思王孟冬篇武官
誠田講旅統兵與清停爲韻贈丁儀王粲詩皇佐揚天惠
四海無交兵與清城名聲營經爲韻明帝苦寒行雖有吳
蜀寇春秋足權兵與齡纓爲韻

兄

許榮切

古音虛王反 詩鶉之奔奔首章鶉之奔奔鶴之疆疆人
之無良我以爲兄 將仲子二章將仲子兮無踰我牆無

唐韻正

卷五

三十

折我樹桑豈敢愛之畏我諸兄 陟岵三章陟彼岡兮瞻
望兄兮 黃鳥見上 皇矣三章則友其兄則篤其慶載

錫之允受祿無忝奄有四方 七章帝謂文王詢爾仇方

同爾兄弟後漢書伏湛傳引作同爾弟兄 楚辭天問眩

弟竝添危害厥兄何變化以作詐而後嗣逢長 韓非子

見萌字下 史記晉世家恭太子更蓉兮後十四年晉亦

不昌昌乃在其兄 韓安國傳雖有親父安知其不爲虎

雖有親兄安知其不爲狼 淮南子兵略訓民之爲用猶

子之爲兄弟之爲兄威之所加若崩山決塘敵敵敢當

下事上如兄則不難爲之心 文子同 說林訓損年則

嫌于弟益年則疑于兄不如循其理若其當 列女傳郤

陽友娣頌季兒樹義夫殺其兄欲復兄讐義不可行不雷

不去遂以自袂馮翊表墓嘉其義明 急就篇畢稚季昭

小兄 易林比之賁兩火爭明雖鬪不傷分離且忍全我

弟兄 秦之姤悲鳴北行失其長兄伯仲不幸骸骨敗心

大有之小過視日再覩與天相望長生權悅與福爲兄

豫之異登階上堂見吾父兄左洒右漿與福相迎 貴
之咸三足俱行頌危善儻六指不便恩累弟兄樹柱閔居
失其正當 咸之震叔迎伯兄遇巷在陽君子季姬並坐
鼓簧 避之大畜左跌右僵前躡觸桑其稽據石傷其弟
兄 睽之乾上堂見觴喜爲吾兄使我憂忘 之革駕黃
買蒼與利相迎心獲所守不累弟兄 蹇之離見下 之
家人駕迎吾兄送我驪黃 既濟之鼎禍起子傷弟代其
兄鄭文不昌 班固辟雍詩迺流辟雍辟雍湯湯聖皇蒞
止造舟爲梁皤皤國老迺父迺兄抑抑威儀孝友光明於
赫太上示我漢行 焦仲卿妻詩自君別我後人事不可
量果不如先願又非君所詳我有親父母逼迫兼弟兄以
我應他人君還何所望 魏阮籍莊論皆盛僕馬修衣裳
美珠玉飾帷牆出媼君上入欺父兄矯厲才智競逐縱橫
家以慧子殘國以才臣凶 晉魯褒錢神論親之如兄字
曰孔方失之則貧弱得之則富強 雖有中人而無家兄
何異無足而欲行無翼而欲翔 漢石經尚書無逸無皇

唐韻

卷五

三十一

曰作母兄曰則皇自敬德作兄自敬德 按兄字自漢韋
玄成自劾詩茅土之繼在我俊兄始與形聲爲韻

去聲則音況 詩桑柔首章不殄心憂倉兄填兮 召旻

五章胡不自替職兄斯引 六章溥斯害矣職兄斯弘

管子大匡篇召忽語管仲曰雖得天下吾不生也兄與我

齊國之政也 史記呂后紀呂祿以爲酈兄不欺已徐廣

曰音况字也名寄 漢書辛慶忌傳通長子次兄師古曰

次兄其字也兄讀如本字亦讀曰况 尹翁歸傳字子兄

師古曰兄讀曰况 翟義傳震羌侯寶兄師古曰兄讀曰

况 儒林傳翟牧子兄師古曰兄讀曰况 說文况况皆

以兄得聲 韻補况虛王切白虎通曰兄者况也况父法

也廣雅兄况也釋名兄荒也荒大也故青徐人謂兄爲荒

也 陳第曰漢樊毅華嶽廟碑云君舉必書况乃盛德亦

作兄字

卿

去京切

古音羌 詩蕩四章爾德不明以無陪無卿 左傳見上
六招見上 素問見上 穆天子傳見下 史記天官

書火與水合為焠與金合為鑠為焠皆不可舉事用兵大
敗土為憂主孽卿 伍子胥傳見上 漢書天文志熒惑

與太白合則為卷不可舉軍用兵與填合則為憂主孽卿
樓護傳五侯治卷樓君卿 陸賈新語資質篇上為帝

王之御物下則賜公卿庶賤不得以備器械閉絕以關梁
易林臨之泰鞭平服荆除大咎殃威震敵國還受上卿

蹇之離羸氏連良使孟尋兵老師不已敗于齊卿 升
之坤百里南行雖微復明去虞適秦為穆國卿 列女傳

秋胡子曰力田不如遇豐年力桑不如見國卿 急就篇
周千秋趙孺卿 庶霸遂萬段卿 揚雄解嘲見上 李

尤辟雍賦延忠信之純德兮列左右之貂璫三后八蕃師
尹羣卿如休慶德稱壽上觴戴甫垂畢其儀踰踰 漢三

神鑑銘見上 韻補卿墟羊切說文卿章也白虎通卿之
為言章善明理也 按卿字自魏陳思王精微篇關東有

賢女自字蘇來卿始與傾生零名頸為韻 三十二

唐韻正

卷五

鯨 渠京切

古音其良反 說文海大魚也本作鯨从魚豐聲引左傳
取其鱣鯢漢書翟義傳引此亦作鱣鯢師古曰鱣古鯨字

迎 語京切

古音昂 莊子應帝王篇至人之用心若鏡不將不迎應
而不藏故能勝物而不傷 淮南子覽冥訓同 知非游

篇無有所將無有所迎 史記龜策傳雷電將之風雨迎
之流水行之侯王有德乃得當之今俗本誤作送 理達

於理文相錯迎使工占之所言盡當 淮南子詮言訓不
能使禍不至信已之不迎也不能使福必來信已之不據

也 來者弗迎去者弗將人雖東西南北獨立中央 文
字同 說苑談叢篇時至不迎反受其殃 易林泰之明

夷求免得禕過其所望歡以相迎高位夷傷 豫之與見
上 盡之乾首釋與目載受福慶我有好爵與喜相迎
大畜之小畜配合相迎利之四鄉昏以為期明星煌煌欣
喜爽澤所言得償 離之蒙門戶下堂與福相迎祿於公
室曾孫以昌 睽之革見上 升之盡盲者目張跛倚起
行瞻望日月與主相迎 未濟之姤淵蔽牡荆生翳山秀
仇敵背憎敵宵相迎 馬融圍碁賦駱驛自侏兮先後來
迎攻寬擊虛兮踰路內房利則為時兮便則為強 又見
上 說文迎从辵卬聲 晉語若川然有原以卬浦而後
大津昭解卬迎也

行

戶庚切

古晉抗 書泰誓謂已有天命謂敬不足行謂祭無益謂
暴無傷厥鑒惟不遠在彼夏王 洪範見上 凡厥庶民
極之數言是訓是行以迓天子之咎曰天子作民父母以
為天下王 易泰九二包荒用馮河不遐遺朋凶得尚于

唐韻正

卷五

三十三

中行 詩卷耳首章采采卷耳不盈頃筐嗟我懷人寘彼
周行 擊鼓見上 雄雉四章百爾君子不知德行不忒
不求何用不臧 北風首章北風其涼雨雪其雩惠而好
我攜手同行 載馳見上 氓四章淇水湯湯漸車帷裳
女也不爽士貳其行 大叔于田二章叔于田乘乘黃兩
服上褭兩驂鴈行叔在藪火烈具揚 有女同車見上
丰三章衣錦聚衣裳錦聚裳叔兮伯兮駕予與行 汾沮
如見上 鴝羽三章肅肅鴝行集于苞桑王事靡盬不能
執稻梁父母何嘗悠悠蒼天曷其有常 秦黃鳥二章交
交黃鳥止于桑誰從穆公子車仲行維此仲行百夫之防
無衣見上 七月見上 東山二章町疇鹿場燿燿宵
行 鹿鳴首章吹笙鼓簧承筐是將人之好我示我周行
六月四章侵鷓及方至于涇陽織文鳥章白旆央央元
戎十乘以先啟行 沔水二章沔彼流水其流湯湯駛彼
飛隼載飛載揚念彼不蹟載起載行心之憂矣不可弭忘
十月之交二章日月告凶不用其行四國無政不用其

良彼月而會則維其常此日而會于何不臧 六乘二章
糾糾葛屨可以履霜桃桃公子行彼周行 六章見上

北山四章或息偃在牀或不已于行 車疊四章高山仰
止景行行止 何草不黃首章何草不黃何日不行何人
不將經營四方 大明二章六章並見上 繇七章乃立

皋門皋門有伉乃立應門應門將將乃立冢土戎醜攸行
篤公劉首章篤公劉匪居匪康廼場廼疆廼積廼倉廼

裹餼糧于橐于囊思戢用矢斯張干戈戚揚爰方啟
行 蕩見上 崧高六章王命召伯微申伯土疆以峙其

振式邁其行 天作天作高山太王荒之彼作矣文王康
之彼徂矣岐有夷之行 敬之見上 易坤彖傳牝馬地

類行地无疆柔順利貞君子攸行先迷失道後順得常西
南得朋乃與類行東北喪朋乃終有慶安貞之吉應地无

疆 小畜彖傳見上 密雲不雨尚往也自我西郊施未
行也 大有彖傳見上 謙彖傳見上 噬嗑彖傳見上

剝彖傳剝剝也柔變剛也不利有攸往小人長也順而

唐韻正

卷五

止之觀象也君子尚消息盈虛天行也 復彖傳反復其
道七日來復天行也利有攸往剛長也 大過彖傳見上

遯彖傳見上 晉彖傳見上 睽彖傳見上 損彖傳
損損下益上其道上行 益彖傳益損上益下民說无疆

自上下下其道大光利有攸往中正有慶利涉大川木道
乃行益動而巽日進无疆天施地生其益无方凡益之道

與時偕行 姤彖傳姤遇也柔遇剛也勿用取女不可與
長也天地相遇品物咸章也剛遇中正天下大行也 升

彖傳用見大人勿恤有慶也南征吉志行也 鼎彖傳見
上 艮彖傳見上 巽彖傳剛巽乎中正而志行柔皆順

乎剛 小過彖傳見上 需象傳需于郊不犯難行也利
用恒无咎未失常也 師象傳左次无咎未失常也長子

帥師以中行也弟子輿尸使不當也 履象傳見上 否
象傳包羞位不當也有命无咎志行也大人之吉位正當

也否終則傾何可長也 同人象傳伏戎于莽敵剛也三
歲不興安行也 豫象傳吁豫有悔位不當也由豫大有

得志大行也六五貞疾乘剛也恒不从中未凶也巽豫在
上何可長也噬嗑象傳見上 大畜象傳六五之吉有
慶也何天之衢道大行也 晉象傳眾允之志上行也鼯
鼠貞厲位不當也貞吉悔凶往有慶也維用伐邑道未光
也 睽象傳見輿曳位不當也无初有終遇剛也交孚无
咎志行也厥宗噬膚往有慶也遇雨之吉羣疑凶也 困
象傳困于葛藟未當也動悔有悔占行也 震象傳震來
厲乘剛也震蘇蘇位不當也震遂泥未光也震往來厲危
行也其事在中大无咎也 歸妹象傳利幽人之貞未變
常也歸妹以須未當也愆期之志有待而行也帝乙歸妹
不如其娣之袂良也其位在中以貴行也上六无實承虛
筐也 豐象傳見上 未濟象傳未濟征凶位不當也貞
吉悔凶志行也 乾文言見上 坤文言坤至柔而動也
剛至靜而德方後得主而有常含萬物而化爻坤道其順
乎承天而時行 繫辭下傳初率其辭而揆其方既有典
常苟非其人道不虛行 禘卦傳姤遇也柔遇剛也漸女

唐韻正

卷五

三十五

歸待男行也

左傳哀六年引五子之歌惟彼陶唐帥彼

天常有此冀方今失其行亂其紀綱乃滅而亡 禮記月

令慶賜遂行無有不當乃命太史守典奉法司天日月星

辰之行宿離不貸毋失經紀以初爲常 土潤溽暑大雨

時行燒雥行水利以殺草如以熱湯可以糞田疇可以美

土疆 孟子故居者有積倉行者有裹糧也然後可以爰

方啟行 楚辭離騷靈氛既告余以吉占兮歷吉日乎吾

將行折瓊枝以爲羞兮精瓊蘼以爲糧 陟升皇之赫戲

兮忽臨睨夫舊鄉僕夫悲余馬懷兮卷局顧而不行 九

歌東君青雲衣兮白霓裳舉長矢兮射天狼操余弧兮反

淪降援北斗兮酌桂漿撰余轡兮高馳翔杳冥兮以東

行 國殤凌余陣兮躓余行左驂殪兮右刃傷 天問不

任汨鴻師何以尚之僉曰何憂何不課而行之 爭遺伐

器何以行之竝驅擊翼何以將之 九章涉江陰陽易位

時不當兮懷信佞察忽乎吾將行兮 哀郢去故鄉而就

遠兮遵江夏以流亡出國門而軫懷兮甲之量吾以行

悲回風行鬢鬢而不見兮心踴躍其若湯撫佩狂以案志
兮超惘惘而遂行 遠游見上 騎鞮鞞以雜亂兮班漫
衍而方行撰余燧而正策兮吾將過乎句芒 涉青雲以
汎濫游兮忽臨睨夫舊鄉僕夫懷余心悲兮邊馬顧而不
行 招魂見上 宋玉釣賦其意不可得返而牽行下觸
清泥上則波颺 大戴禮武王踐阼篇惡有藏之約行之
行萬世可以爲子孫常者乎 投壺篇乃揖乃讓乃躋其
堂乃節其行既志乃張 尚書大傳舜歌日月有常星辰
有行 周叔邦父蓋銘叔邦父作薑用征用行用從君王
子子孫孫其萬年無疆 老子見上 上士聞道勤而行
之中士聞道若存若亡 故弱之勝強柔之勝剛天下莫
不知莫能行 管子牧民篇四維張則君令行 母曰不
同鄉遠者不行 版法篇民苦殃令不行 法法篇不法
法則事毋常法不法則令不行 白心篇非吾當雖利不
行 四時篇刑德離鄉時乃逆行 七臣七主篇愚臣法
罪厚罰以爲行重賦斂多兌道以爲上使身見憎而主受

唐韻正

卷五

其誘 禁藏篇國富兵彊民材而令行 度地篇令甲士
作隄大水之芻大其下小其上隨水而行地有不生艸者
必爲之囊大者爲之隄小者爲之防夾水四道禾稼不傷
弟子職篇對客無讓應且遂行 晏子諫上篇且天之
下狎固于富彊爲善不用出政不行賢人使遠讒人反昌
百姓疾怨自爲祈祥錄錄彊會進以何傷是以列舍無次
變星有芒熒惑回逆孛星在芴有賢不用安得不也 莊
子人間世篇迷陽迷陽無傷吾行 天運篇說主張是說
維綱是說居無事推而行是 山木篇不知義之所適不
知禮之所將猖狂妄行乃蹈乎大方其生可樂其死可葬
吾願君去國捐俗與道相輔而行 知北游篇見上 吳
子應變篇車堅馬良將勇兵強卒遇敵人亂而失行 又
見上 穆天子傳天子作詩帝收九行嗟我公侯百辟家
卿皇我萬民旦夕勿忘 逸周書大明武解陣岩雲布侵
若風行輕車翼衛在戎二方 小開武解明勢天道九紀
咸當順德以謀國惟不行 寶典解秋落冬殺有常政乃

行 大戒解見上 時訓解 不詳 東號令不行 勢 不
不振 陰干陽 魚不上 冰甲冑 秘藏 蛭蚘不結 君政不行
麋角不解 兵甲不藏 水泉不動 陰不承陽 周視解 時之
徙也 勤以行 不知道者 以福凶 威之失也 陰奮陽善 爲
國者 使之有行 越語 范蠡對王 因陰陽之行 順天地之
常柔而不屈 彊而不剛 德虐之行 因以爲常 天道 皇皇
日月 以爲常明者 以爲法 微者 則是行陽至而陰陰至而
陽日 因而還月 盈而匡古之善 用兵者 因天地之常 與之
俱行 後則用陰 先則用陽 近則用柔 遠則用剛 司馬法
定爵 篇凡事 善則長 因古則行 誓作 章人乃強 滅厲 祥
若行 不行 身以將之 若行而行 因使勿忘 三乃成 章 六
韜上 賢篇 兵勢 不行 敵國 乃強 平文 啟篇 見上 五音篇
古者 三皇之世 虛無之情 以制剛 強無有 文字 皆繇 五行
墨子 見上 荀子 儒效 篇見上 君道 篇故法 不能獨
立 類不能自行 得其人 則存 失其人 則亡 禮論 篇見上
成相 篇世無王 窮賢 良暴人 芻豢 仁人 糟糠 禮樂 滅息

聖人 隱伏 墨術 行 賦篇 生於山 阜 處於室 堂 無知 無巧
善治 衣裳 不盜 不竊 穿窬 而行 日夜 合離 以成 文章 已能
合從 又善 連衡 下覆 百姓 上飾 帝王 俛詩 見上 韓非
子 揚權 篇 四海 既藏 道陰 見陽 左右 既立 開門 而當 勿變
勿易 與二 俱行 八姦 篇見 萌字 下 解老 篇天 得之以
高地 得之以 藏 維斗 得之以 成 其威 日月 得之以 恒 其光
五帝 得之以 常 其位 列星 得之以 緯 其行 四時 得之以 御
其變 氣軒 轅得 之以 擅 四方 赤松 得之 與 天地 統 聖人 得
之以 成 文章 內 儲說 下 見上 外 儲說 左 上 見上 外
儲說 右 上 女 有知 也 人 且 臧 女 女 無知 也 人 且 行 女 呂
氏 春秋 盡 數 篇 集 於 羽 鳥 與 爲 飛 揚 集 於 走 獸 與 爲 流 行
集 於 珠 玉 與 爲 精 朗 集 於 樹 木 與 爲 茂 長 集 於 聖 人 與 爲
夔 明 精 氣 之 來 也 因 輕 而 揚 之 因 柔 而 行 之 因 美 而 良 之
因 長 而 養 之 因 智 而 明 之 大 樂 篇 天 地 車 輪 終 則 復 始
極 則 復 反 莫 不 咸 當 日 月 星 辰 或 疾 或 徐 日 月 不 同 以 盡
其 行 四 時 代 興 或 暑 或 寒 或 短 或 長 或 柔 或 剛 序 意 篇

三者咸當無爲而行。勿躬篇昭乎若日之炎變化萬物而無所不行。韞土篇莖生有行故邀長弱不相害故邀大。鶡冠子王鈇篇列星不亂各以序行故小大莫弗以章。天用四時地用五行天子執一以居中央。素問標本病傳論知標本者萬舉萬當不知標本是謂妄行。疏五過論外爲柔弱亂至失常病不能移則醫事不行。又見上。示從容論方盛衰論並見上。靈樞經九針十二原篇刺諸熱者如以手按湯刺寒清者如人不欲行。終始篇見上。師傳篇余聞先師有所心藏弗著于方余願聞而藏之則而行之。五亂篇清氣在陰濁氣在陽營氣順脉衛氣逆行。陰陽繫日月篇此天地之陰陽也非四時五行之以次行也。病傳篇諸方者衆人之方也非一人之所盡行也。天年篇營衛之行不失其常呼吸微徐氣以度行六府化穀津液布揚各如其常。憂恚無言篇何道之塞何氣出行使音不彰願聞其方。邪客篇雖而入陰別而入陽此何道而從行願盡聞其方。官能篇言

唐韻正

卷五

三十八

陰與五合於五行五藏六府亦有所藏四時八風盡有陰陽各得其位合於明堂。寒入於中推而行之經陷下者火則當之。各得其人方乃可行其名乃彰不得其人其功不成其師無名。癰疽篇陰陽已張因息乃行。陸賈新語道基篇序四時調陰陽布氣治性次置五行春生夏長秋收冬藏陽生雷電陰成雪霜養育羣生一茂一亡。

是以君子握道而治據德而行席仁而立杖義而殫術事篇見上。辨惑篇道因權而立德因勢而行不在其位者則無以齊其政不操其柄者則無以制其剛。賈誼新書大政上篇見上。修政語下篇聞道志而藏之知道善而行之。一史記秦始皇紀琅邪臺刻石文見上。大官書斗爲帝車運於中央臨制四鄉分陰陽建四時均五行。

五星合是謂易行有德受慶改立天人奄有四方子孫蕃昌無德受殃若必。漢書天文志同。龜策傳雲蓋其上五采青黃雲雨竝起風將而行入於端門見於東箱身如流水潤澤有光。文王病臥載尸以行太子發代將號爲

武王戰於牧野破之華山之陽紂不勝收而還走國之象
郎自殺宣室身以不葬頭懸車軫四馬曳行一聖人伏匿
百姓莫行天數枯旱國多妖祥一是皆當時而行見事而
彊乃能成其帝王一又見上一太史公自序景公謙德熒
惑退行別成暴虐宋乃滅一嚴忌哀時命見上一枚乘
七發弭節伍子之山通厲骨母之場凌赤岸箠扶桑橫奔
伯雷行一司馬相如大人賦廝征伯僑而役羨門兮詔岐
諫世從俗而變化兮隨風靡而成行信直退而毀敗兮虛
僞進而得當一荅客難得士者彊失士者凶故說得行焉
淮南子原道訓見上一其德優天地而和陰陽節四時
而調五行一童子不孤婦人不孀虹蜺不出賊星不行
文子同一天文訓六月當心左周而行分而為十二月與
日相當天地重襲後必無殃一又見上一時則訓見上
精神訓日月失其行薄蝕無光風雨非其時毀折生災五
星失其行州國受殃一文子同一以从生為一化以萬物

唐韻

卷五

為一方同精於太清之本而游於忽區之旁有精而不使
有神而不行一本經訓安則止激則行通體于天地同精
于陰陽一日月淑清而揚光五星循軌而不失其行一聖
人節五行則治不荒一主術訓智詐萌興盜賊滋彰上下
相怨號令不行一文子同一繆稱訓終身為善非天不行
終身為不善非天不凶一齊俗訓武王伐紂載尸而行海
內未定故不為三年之喪始禹遭洪水之患陂塘之事故
朝服而暮葬一兵略訓威儀並行是謂至強一主雖射雲
中之鳥而釣深淵之魚彈琴瑟聲鍾芋鼓六博投高壺兵
猶且強令猶且行也一明於奇正賚陰陽刑德五行望氣
候星龜策祿祥一說山訓申徒狄負石自沈於淵而溺者
不可以為抗弦高誕而行鄭誕者不可以為常事有一應
而不可循行一說林訓芻狗能立而不能行蛇牯佞麋蕪
而不能芳一人間訓故義者天下之所賞也百言百當不
如擇趨而審行也一或明禮義推道體而不行或解構妄
言而反當一修務訓見岷字下一天地勢水東流火必事

焉然後水漉得谷行禾稼春主人必加功焉故五穀得遂長 秦族訓逆天曩物則日月薄蝕五星失行四時干乖晝冥宵爰山崩川涸冬雷夏霜 文子同 伊尹憂天下之不洽調和五味負鼎俎而行五就桀五就湯 晏略所以和陰陽之氣理日月之忒節開塞之時列星辰之行知逆順之變避忌諱之殃順時運之應法五神之常 所以知戰陣分爭之非道不行也知攻取堅守之非德不強也以若疑天地發起陰陽序四時正流方綏之斯寧推之斯行 文子精誠篇政失於春歲星盈縮不居其常政失於夏熒惑逆行政失於秋太白不當出入無常政失於冬辰星不效其鄉四時失政鎮星搖蕩 自然篇道生萬物理於陰陽化爲四時分爲五行 下德篇見上 地之生財大本不逾五行聖人節五行卽治不荒 上仁篇豫兮其若冬涉大川者不敢行也猶兮其若畏四鄰者恐自傷也 上義篇威義竝行是謂必強 上禮篇見上 韓詩外傳幽幽冥冥德之所藏紛紛沸沸道之所行 漢書天

唐韻正

卷五

四十

文志三星若合是謂鷺立絕行其國外內有兵與喪 又見上 禮樂志安世房中歌孝奏天儀若日月光乘玄四龍回馳北行羽旄殷盛芬哉 世世孝道隨世我署文章李尋傳日初出炎以陽君登朝佞不行 王莽傳江湖有盜自稱楚王姓爲劉氏萬人成行不受赦令欲動秦雍陽十一年當相攻太白揚光歲星入東井其號當行 王褒九懷見上 登華蓋兮乘陽聊逍遙兮播光抽庫臯兮酌醴援爬瓜兮接糧畢休息兮遠逝發玉軻兮而行 說苑君道篇苞苴行邪讒夫昌邪 必自他藏之必自他行之 建本篇見上 雜言篇吾聞人君不困不成王列士不

困不成行 列女傳魯寡陶嬰歌天命早寡兮獨宿何傷寡婦念此兮泣下數行嗚呼哀哉兮死者不可忘飛鳥尚然兮況於貞良雖有賢雄兮終不重行 湯妃有嬰頰見上 楚老萊妻頰老萊與妻逃世山陽蓬蒿爲室莞葭爲牆楚王聘之老萊將行妻曰世亂乃遂逃 郟陽友娣頰見上 劉向九歎悲余心之悵悵兮哀故邦之逢殃辭

九年而不復兮獨榮華以南行 歎離騷以揚意兮德未
殫於九章長嗟吸以於悵兮涕橫集而成行 且人心之

有舊兮而不可保長遭彼南道兮以征夫宵行 杖銘歷
危乘險匪杖不行羊着力竭匪杖不僵 家語見去聲病

宇下 易林屯之履百足俱行相輔為強三隄翼事王室
寵光 比之大畜擁遏隄防水不得行火盛陽充陰蛻伏

藏退還其鄉 之艮狼虎爭強禮義不行兼吞其國齊魯
無王 履之臨三羊俱亡齊走南行會暮失跡不知其藏

泰之始見上 否之噬盜見上 之困白日揚光雷車
避藏雲雨不行各自還鄉 同人之蒙三殺五牂相隨俱

行迷入空澤經涉六駁為賊所傷 之困跛踣俱行日暮
車傷失旅無糧 豫之小畜見上 臨之師見上 之比

隨時轉行不失其常各樂厥類身無咎殃 觀之大壯心
壯無良猖獗妄行觸抵牆壁不見戶房 賁之咸見上

之巽懷壁越鄉不可遠行 剝之萃見上 復之中孚三
人俱行各別採桑 无妄之震千里無牆駕鳳游行 之

未濟長股遠行狸且善藏 大畜之屯水暴橫行浮屋壞
牆決決溢溢市師驚惶 之萃見上 之升窻牖戶房通

利明免賢智輔聖仁施大行家給人足海內殷昌 頤之
升三鳥鴛鴦相隨俱行南到饒澤會魚與梁君子長樂見

惡不傷 坎見上 離之觀見上 之大過被繡夜行不
見文章安坐于堂乃無咎殃長子帥師得其正當 之明

夷使伯采桑拒不肯行與叔爭訟更相毀傷 恒之復阿
衡服箱太乙載行延時歷舍所之吉昌 之兌張狂妄行

竊倉盜梁 遯之比方內不行輻輪摧傷 之困雷車不
藏隱隱西行 之中孚出門東行日利辰良 大壯之中

孚求君衣裳情不可當觸諱西行為伯生殃 睽之漸魁
剛所當初為敗殃君子雷連困于水漿求全東山利在茂

鄉賈市有息子載母行 解之豐見上 夬之損見慶字
下 之歸妹見上 升之蠱見上 井之剝見上 之困

從叔旅行會于東昌嘉伯悅喜與我芝香 之中孚傾送
不行弱走善僵孟繁無失其寵光 革之萃求鷹嘉鄉

惡蛇不行道止中返復還其狀 艮之坎見上 豐之需

三龍北行道逢六狼莫宿中澤為禍所傷 小過之史六

疾生狂癡妄妄行 太玄經周上九還于喪或弃之行

狩測匍匐宜德若無行也 焚符括括多欲往也 冉參丘陵

短臨長也 狩于酒會仕無方也 狩有足位正當也 羨陽

氣贊幽推包羨爽未得正行 測羨迂塗不能直行也 羨

權正善反常也 增測朱車之增小人不當也 增高刃峭

與損皆行也 兼貝以役前慶後也 崔嵬不崩羣士權權

也 交測往來熏熏與神交行也 交于鸞猩鳥獸同方也

大小之交待賢煥光也 進次四狂章章不得中行 測

進非其以毀絃章也 進淵且船以道行也 逆憑山川終不

可長也 釋測和釋之脂民說無疆也 震于廷和正俱也

也 震震不侔解肚無方也 震于利與夙偕行也 今獄後穀

于彼釋映也 格測格其珍類無以自匡也 格彼擊堅諛

不得行也 郭目騎角還自傷也 務次二繫精其芳君子

攸行 事測事無事以道行也不吝不諉其知也 又

唐韻正

卷五

四十一

見上 毅陽氣方良毅然敢行 裝初一幽裝莫見之行

親次八其幹已良君子攸行 法測準繩規矩由身行

也 鉞實腹非學方也 干紀于綱大統明也 密網離淵苛法

張也 遇測振其角直道行也 兩兕鬪也 角卷也 觥其角

何可當也 常次四月不常或失之行 常測日常其德

君道明也 月不常臣失行也 其從其橫君臣常也 晦測

見上 止測見上 堅測堅顛觸冢不知所行也 惴堅禍

用直方也 螽焚其翅所憑卷也 玄衝見上 玄攤見上

玄文見上 玄告見上 揚雄執金吾歲猛不可重任

威不可獨行 堯咨虞舜惟思是尚 吾臣司金故告執璜

甘泉賦見上 逐貧賦誓將去女適彼首陽孤竹二子與

我連行 反離騷纍既泮夫傳說兮奚不信而遂行 徒恐

鶉鷄之將鳴兮 願先百艸為不芳 元后誅皇皇靈祖惟

若孔臧降絃珪璧命服有常為新帝母 鴻德不忌 欽德伊

何奉命是行 絃絕書記 范伯傷賢卷邦 鼓能有 厥負德

忘思其反形傷壞人之善 毋後世敗人之成 天誅行一記

吳王占夢逆言以滅讒諛以凶因酌行觴時可以行矣

詔寶劔觀其鈿爛如列星之行觀其光輝渾如水之溢於

塘易是謀類泰山失金雞西岳凶玉羊雞失羊凶臣縱

恣萬入愁不祥天卑地高雷謹公行星晝奔蜺夜炎班

彪覽海賦余有事於淮浦覽滄海之茫茫悟仲尼之乘桴

聊從容而遂行班固辟雍詩見上馬融廣成頌清氛

埃埽野場誓六師搜雋良司徒勒辛司馬平行酒正案

隊膳夫巡行清醪車湊燔炙騎將鼓駭舉爵鐘鳴既觴

圍碁賦先據四道兮任角依旁緣邊遮列兮往往相望離

離馬目兮連連鴈行踔度閒置兮徘徊中央違閣奮翼兮

左右翺翔道狹敵眾兮情無遠行張衡思玄賦將答賦

而不暇兮爰整駕而亟行瞻崑崙之巍巍兮臨滎河之洋

洋靈憲翩翩歸妹獨將西行逢天晦芒毋驚毋恐後且

大昌黃香九宮賦見上趙壹疾邪賦于茲迄今情儻

萬方佞諂日熾剛克消凶珉痔結駟正色徒行蔡邕祖

餞祝文見上福衡魯夫子碑見上漢泰山都尉孔宙

唐韻正

卷五

碑見上衛尉衡方碑辭法言稽古道而後行兢兢業業

素絲羔羊後漢書張宗傳愚聞一卒畢力百人不當萬

夫致以可以橫行博雅正月不溫七月不涼二月不風

八月雷不藏三月風不衰九月無降霜四月雷不見十月

蟄蟲行魏武帝薤露歌見上文帝濟川賦於是龜龍

神嬉鴻鸞羣翔鱗介霍驛載止載行煌煌京洛行天天

園桃無子空長虛美難假偏輪不行倉舒誄見上陳

思王喜齋賦動玉輞而雲披鳴鸞鈴而日陽指北極以為

期吾將倍道而兼行白鶴賦承邈邈之僥倖兮得接翼

於鸞皇同毛衣之氣類兮信休息而同行離繳鷹賦尋

淑類之殊異兮稟上天之休祥含中和之純氣兮赴四節

而征行七啟紅顏既天睇眇流光時與吾子攜手同行

大魏篇陛下臨軒笑左右咸歡廉杯來一何遲羣僚以

次行賞賜累千億百官竝富昌文帝誄于時天震地駭

崩山隕霜陽精薄景五緯錯行夏桀贊夏道既衰生此

榮王婉孌是嘉政遠五行釋愁文使王喬與子攜手而

游黃公與子詠歌而行莊生爲子具養神之摺老聃爲子致憂性之方劉楨遂志賦收馬于路役車低昂愴恨惻切我獨西行丁廩妻寡婦賦時荏苒而不留將遽靈以大行駕龍輻於門側設祖祭於前廊華陽國志見上

黃庭經心典一體五藏王動靜念之道德行清潔善氣自明光心爲國主五藏王受意動靜氣得行道自守我精

神卷又見上晉拂舞濟濟篇鳴鳴飛舞氣流芳追念三五大綺黃去失有時可行去來同時此未央陸機七

徵珍觀清榭岳立連行雲階飛陞抑陟穹蒼聳浮柱而與立施飛檐以龍翔魯哀錢神論見上傅玄祝社文社

君自東百靈齊行翠蓋翩翩象輿瑠箱王子進駕駉服調良夏疾湛春可樂賦豐交交以弄音翠翺翺以輕翔招

君子以偕樂攜淑人以微行晉書天文志五星不失行則年穀豐昌五行志炎天文長大戟爲牆毒藥雖行戟

還自傷揚駿傳同宋書五行志同宋白紵舞歌隨世而變誠無方如推若引雷且行宋世方昌樂未央舞以

唐韻正

卷五

盡神安可忘隋書天文志見上釋名兩腳進曰行行

伉也伉足而前也按行字漢以上唯淮南子說林訓免絲無根而生蛇無足而行魚無耳而聽蟬無口而鳴入後

入清青韻後漢則曹昭東征賦維永初之有七兮余躋子兮東征時孟春之吉日兮撰良辰而將行其始變也今

人以行止之行音戶耕反行列之行音戶郎反不知行本音戶庚反庚音岡戶庚卽戶郎也又觀史記六韜靈樞經

淮南子文子鷓冠子陳思王夏桀贊黃庭經則五行之行亦音杭故太行山古名五行之山其無異音可知今吳

人讀行爲胡良反此字四收於十一唐十二庚四十二

宕四十三映部中

脗

舌音同上史記龜策傳脗人剖其心壯士斬其脗箕子塗炭以被髮佯狂今此字三收於十一唐十二庚四十三

衡

古音同上 今此字兩收於十一唐十二庚部中

衡

古音同上 詩采芑二章薄言采芑于彼新田于此亨鄉
方叔率止其車三千旂旒央央約軼鎡衡八鸞瑯瑯服其
命服朱芾斯皇有瑒蔥珩 韓奕二章四牡奕奕孔修且
張韓侯入覲以其介圭入覲于王王錫韓侯淑旂綏章簞
第鎡衡鈎膺漏錫 閔宮見上 烈祖綏我眉壽黃耆無
疆約軼鎡衡八鸞鎡鎡以假以享我受命薄將自天降康
豐年穰穰來假來響降福無疆顧予烝嘗湯孫之將 長
發七章實維阿衡實左右商王 楚辭惜誓或儉合而苟

唐韻正

卷五

四十五

進兮或隱尼而淡藏苦稱量之不審兮同權槩而就衡
管子度地篇平度量正權衡虛牢獄實廡倉君修樂與神
明相望 桀度篇貴賤相當此謂國衡 荀子賦篇見上

陸賈新語道基篇潤之以風雨曝之以日晡溫之以節
氣降之以隕霜位之以眾星制之以斗衡苞之以六合羅
之以紀綱改之以災變告之以禎祥動之以生殺悟之以
文章 賈說新書容經篇朝廷之視端若平衡祭祀之視
視如有將軍旅之視固植虎張壘紀之視下若坐綱 况
乎明王執中履衡 史記龜策傳衛平乃援式而起仰天
而視月之朧觀斗所指定日處鄉規矩為輔副以權衡四
維已定八卦相望 太史公自序維契作商爰及成湯太

甲居桐德盛阿衡 急就篇柴桂林溫直衡 軹軹軫軫

儀納衡 易林復之艮三驪負衡南取芝香秋蘭芬馥盈
滿匣匱利我少姜 咸之解堂桑折衡佐鬪者傷暴臣反

國良臣被殃 避之震驄駟黑鬣東歸高鄉白虎推輪蒼
龍把衡 漢揚雄羽獵賦因回軫還衡背阿房反未央

刺秦美新見上 越絕書計倪內繆是故聖人能明其刑
而處其鄉從其德而避其衡凡舉百事必順天地四時參
以陰陽用之不審舉事有缺 春秋合誠圖見 漢書

爰盜傳臣聞千金之子坐不坐堂百金之子不騎衡 敏
傳博陸堂堂受遺武皇擁疏孝昭末命翼揚遭家不克立
帝廢王權定社稷配忠阿衡懷祿叱寵漸化不詳陰妻之

通至子而凶 傳毅車左銘虞氏作車取象機衡君子建
左法天之陽 張衡東京賦見上 王逸九思天庭明兮

雲霓藏三光朗兮鏡萬方斤蜥蜴兮進龜龍策謀從兮翼
機衡 漢山陽太守祝睦碑辭懿我君國之光履忠順闡
道常升紫微平機衡 祝睦後碑辭穆我君邦之陽資下

就聞道綱陟奉微准樞衡稽州宿覽四方 魏陳思王大
暑賦炎帝掌節祝融司方羲和按轡南雀舞衡蛇折鱗於
靈窟龍解角於皓蒼 晉傅玄鼓吹曲大晉承運期德隆

聖皇時清晏白日垂光應籙圖陟帝位繼天正玉衡化行
象神明 宋顏延之赭白馬賦天子乃輟駕迴慮息徒解

唐韻正

卷五

裝鑿武穆憲文允振民隱修國章戒出豕之敗御惕飛鳥
之時衡 陽給事誄之子之生立績宋皇拳猛沈毅溫敏

肅良如彼竹柏負雪懷霜如彼駢駟配服驂衡 隋書王
劬傳河圖帝通紀曰形瑞出變矩衡赤應隨叶靈皇 禮
記雜記上甕甄箐衡註衡當為析戶剛反 按衡字自莊
子胠篋篇剖斗折衡而民不爭始入耕清韻

楚衡

古音同上 楚辭九歌湘夫人荃壁兮紫壇菊芳椒兮成
堂桂棟兮蘭橈辛夷楣兮葍房閨薜荔兮為帷擗蕙櫜兮

既張白玉兮為瑱疏石蘭兮為芳芷葺兮荷屋繚之兮杜
蘼 宋玉風賦獵蕙艸雜奏衡築新夷被穉楊迴穴衡陵
蕭條窳芳然後倘伴中庭北上玉堂躋于羅帷經于洞房

古音同上 詩采芑見上 漢張衡思玄賦蒙溫恭之誠
衣兮被禮義之繡裳辭貞亮以爲鑿兮雜技藝以爲珩昭
綵藻與珎琢兮璜聲遠而彌長
以上字當與十陽十一唐通爲一韻 趙宦谷曰庚阮皆
橫彭攢烹兄行等字竝以今吳下方音爲正

平

符兵切 當作符盈

易坎九五坎不盈祗既平 詩常棣五章卷亂既平既安
且寧雖有兄弟不如友生 伐木首章嚶其鳴矣求其友
聲相彼鳥矣猶求友聲矧伊人矣不求友生神之聽之終
和且平 節南山九章昊天不平我王不寧不懲其心覆
忍其正 黍苗五章原隰既平泉流既清召伯有成王心
則寧 皇矣二章作之屏之其蓄其翳修之平之其濯其
柎 江漢二章四方既平王國庶定時靡有爭王心載寧
常武六章四方既平徐方來庭 邢湯孫秦假綏我思

唐韻正

卷五

四十七

成軌鼓淵淵嘒嘒管聲既和且平依我磬聲於赫湯孫穆
穆厥聲 烈祖既載清酤賚我思成亦有和羹既戒既平
醴假無言時靡有爭羹字不入韻 易咸彖傳天地感而
萬物化生聖人感人心而天下和平 乾文言大哉乾乎
剛健中正純粹精也六爻發揮旁通情也時乘六龍以御
天也雲行雨施天下平也 禮記樂記見下 楚辭九辯
見下 高唐賦見下 莊子人間世篇而目將焚之而色
將平之口將營之容將形之心且成之 荀子見下 淮
南子本經訓天夢其精地夢其平人夢其情 按平字讀
入陽韻僅見於急就篇雲中定襄與朔方代郡上谷右北
平是後漢人所續 以下字皆讀如今音自經文及楚辭
而外諸子書稍錄一二亦不備列

萃

詩鹿鳴首章呦呦鹿鳴食野之萃我有嘉賓鼓瑟吹笙按
此章以鳴萃笙爲一韻箒將行爲一韻商頌烈祖亦然自

疆字以下別爲一韻耳 宋玉高唐賦於是乃縱獵者基趾如星傳言羽獵銜枚無聲弓弩不發采罕不傾涉莽莽馳萃萃

驚

舉卿切 當作聚 盈

詩車攻七章蕭蕭馬鳴悠悠旆旌徒御不驚大庖不盈

鳴

武兵切 當作彌 盈

詩魏有苦葉二章有彌濟盈有鸞雉鳴 雞鳴首章雞既鳴矣朝既盈矣匪雞則鳴蒼蠅之聲 鹿鳴伐木車攻並見上 小宛四章適彼春令載飛載鳴我日斯邁而月斯征夙興夜寐無忝爾所生 卷阿九章鳳皇鳴矣于彼高岡梧桐生矣于彼朝陽 有警皇皇厥聲肅誰和鳴先祖是聽我客戾止永觀厥成 禮記月令百官靜事毋刑以

唐韻正

卷五

四八

定晏陰之所成鹿角解蟬始鳴半夏生木堇榮 楚辭九

歌山鬼雷填填兮雨冥冥後秋秋兮飲夜鳴 卜居世溷

濁而不清蟬翼爲重千鈞爲輕黃鐘毀棄瓦釜雷鳴護人

高張賢士無名吁嗟默默兮誰知吾之廉貞 九辯燕翩

翩其辭歸兮蟬寂漠而無聲鴈誰離而南逝兮鷓雞啁晰

而悲鳴獨申旦而不寐兮哀蟋蟀之宵征時齏麀而過中

兮蹇淹雷而無成 淮南子原道訓無形而有形生焉無

聲而五音鳴焉無味而五味形焉無色而五色成焉 文

子同 漢書禮樂志郊祀歌天地篇展詩應律琚玉鳴籥

宮吐角激徵清 鏡歌戰城南篇水深激激蒲葦冥冥巢

騎戰鬪以驚馬徘徊鳴 按詩中鳴字與聲盈生征等字

爲韻無讀迷郎反亦絕無與明字同用者魏武帝蒿里行

鎧甲生蟻蝨萬姓以殂也白骨露於野一里無雞鳴晉張

華俠曲孟嘗東出關濟身由雞鳴信陸而反魏秦人揚其

疆乃是安合耳

榮

水兵切 當作永

禮記月令見上 楚辭遠游嘉南州之炎德兮麗極樹之
冬榮山蕭條其無獸兮野寂寞其無人載營魄而登霞兮
掩浮雲而上征人字說見真韻 宋玉登徒子好色賦寤
春風兮發鮮榮繁齋侯兮惠音聲贈我如此兮不如無生

晉語諺曰黍稷無成不能為榮 管子戒篇無翼而飛
者聲也無根而固者情也無方而富者生也公亦固情謹
聲以嚴尊生此謂道之榮 內業篇凡道無根無莖無葉
無榮萬物以生萬物以成命之曰道 山權數篇惡惡乎
來刑善善乎來榮 莊子見下 荀子賦篇血氣之精也
志意之榮也百姓待之而後寧也天下待之而後平也

素問四氣調神大論天地俱生萬物以榮夜臥早起廣步
於庭被髮緩形以使志生 按詩無榮字而有榮瑩瑩三
字樛木葛藟榮之與成爲韻淇奧充耳琇瑩著尚之以瓊
瑩乎而與青皇庭爲韻黍苗召伯營之靈臺經之營之崧

唐韻

卷五

四十九

高召伯是營與成城爲韻則榮字自當以形相附楊慎乃
以土音讀爲庸引越絕書淮南子二證不知二書出於漢
人每多踳駁且淮南子中亦有不韻者不得舍可信之經
文而引不必然之子書也

瑩

詩淇奧二章瞻彼淇奧蒹竹青青有匪君子充耳琇瑩會
弁如星 著二章俟我於庭乎而充耳以青乎而尚之以
瓊瑩乎而 宋玉神女賦須臾之間美貌橫生燁兮如星
溫乎如瑩五色竝馳不可殫形詳而觀之奪人目精 列
子周穆王篇六瑩九韶瑩即經字

生

所庚切 當作所爭

詩常棣伐木竝見上 節南山六章不弔昊天亂靡有定
月斯生俾民不寧憂心如醒誰秉國成不自爲政卒勞

百姓 小宛見上 管之華 晉葛之華 其葉青青 如此不如無生 文王三章 王國克生 維周之楨 濟濟多

士 文王以寧 餘九章 虞芮質厥成 文王淑厥生 卷阿見上 殷武 五章 赫赫厥聲 濯濯厥靈 壽考且寧 以保我

後生 易屯彖傳 屯剛柔始交而難生 動乎險中大亨貞雷雨之動 滿盈 天造草昧 宜建侯而不寧 咸彖傳 見上

繫辭下傳 男女構精 萬物化生 禮記月令 見上 樂記 小大相成 終始相生 倡和清濁 迭相為經 故樂行而倫

清耳目 聰明血氣和平 移風易俗 天下皆寧 孔子問居地載神氣 神氣風靈風靈流形 庶物露生 縹衣管吾有

先正其言 明且清 國家以寧 鄱邑以成 庶民以生 誰能秉國威不自為 正卒勞百姓 楚辭九辯 坎廋兮貧士失職

而志不平 廓落兮羈旅而無友生 招魂獻歲發春兮汨吾南 征葉蘋齊葉兮白芷生 宋玉高唐賦 上至觀側地

蓋底平 箕踵漫衍 芳艸羅生 秋蘭芷蕙 江蘼載菁 青荃射干 揭車苞并 神女賦 見上 登徒子好色賦 見上 小

唐韻

卷五

五十

言賦無內之中 微物潛生 比之無象 言之無名 蒙蒙滅景 昧味遺形 超於太虛之域 出於未兆之庭 纖於蠶末之微

蔑陋於茸毛之方 生視之則眇眇望之則冥冥 離朱為之歎 閻神明不能察其情 二子之言 磊磊皆不小 何如此之

為精 晉語貞為不聽 信為不誠 國斯無刑 踰居幸生不更厥貞 大命其傾 越語逆節 萌生天地 未形而先為之

征其事 是以不成 雜受其刑 管子勢篇同 老子故有無相生 難易相成 長短相形 高下相傾 孰能濁以止 靜

之徐清 孰能安以久動之徐生 保此道者不欲盈 夫惟不盈故其敝不新成 管之得一者 天得一以清 地得一以

寧 神得一以靈 谷得一以盈 萬物得一以生 侯王得一以為天下貞 管子戒篇 見上 內業篇 冥冥乎不見其形

淫淫乎與我俱生 不見其形 不聞其聲 而序其成 謂之道國蓄篇 夫以寧 應籥謂之毀成 以六畜 籥謂之止生 以

田 畝 籥謂之禁耕 以工人 籥謂之離情 以正戶 籥謂之卷贏 莊子人間世篇 天下有道 聵人成焉 天下無道 聵人

生焉方今之時僅免刑焉 天運篇四時迭起萬物循生
一盛一衰文武倫經一清一濁陰陽調和流羣其聲蟄蟲
始作吾驚之以雷霆 故若混逐叢生林樂而無形布彈
而不曳幽昏而無聲動於無方居於窈冥或謂之以或謂
之生或謂之實或謂之榮行流散徙不主常聲 則陽篇
安危相易禍福相生緩急相摩聚散以成 漁父篇庶物
失之者以得之者生爲事逆之則敗順之則成 韓非子
解老篇道譬諸若水溺者多飲之卽以渴者適飲之則生
譬之若劍戟愚人以行忿則禍生聖人以誅暴則福成故
得之以以得之以生得之以敗得之以成 六韜守國篇
春道生萬物榮夏道長萬物成秋道斂萬物盈冬道藏萬
物靜 淮南子原道訓見上 故音者宮立而五音形矣
味者甘立而五味亭矣色者白立而五色成矣道者一立
而萬物生矣 文字同 悲喜轉而相生精神亂營不得
須臾平察其所以不得其形而日以傷生 韻補史記律
書建星者建諸生也釋名青生也象物生時色也賈誼新

唐韻正

卷五

五十一

書先生者爲先醒也 按星字從生得聲孟子浩生不害
漢書儒林傳有皓星公趙充國傳有浩星賜三文互異總
以音同而借之耳 說文青字亦從生得聲 古生字並
與成清寧爲韻至漢傳毅舞賦在山峨峨在水湯湯與志
遷化容不虛生馬融廣成頌珍林嘉樹建木叢生椿梧栝
柏桧柳楓楊則入陽韻乃是妄合耳

笙

詩鹿鳴見上 儀禮疏笙猶生也

牲

詩雲漢首章靡神不舉靡愛斯牲圭璧既卒寧莫我聽
韻補周禮享客牲三十有六又不受饗禮受牲禮鄭氏皆
云牲當爲腥聲之誤也釋文亦云依註當音腥

甥

詩倚嗟二章倚嗟名兮美目清兮儀既成兮終日射侯不出正兮展我甥兮 左傳呂甥史記晉世家作呂省

以上字當與十三耕十四清十五青通為一韻 按以上諸字及耕清青三韻古人無與陽唐同用者易詩之文固已截然不紊又如爾雅釋天春為青陽夏為朱明秋為白

藏冬為玄英春為發生夏為長嬴秋為收成冬為安寧尤可見二韻之不相入也西京以下則雜矣然若漢郊祀歌

景星篇空桑琴瑟結信成四興遞代八風生殷殷鐘石羽

鶯鳴河龍供鯉醇犧牲百末旨酒布蘭生春尊祓漿析朝

醒微感心攸通修名周流常羊思所并穰穰復正直往甯

馮攜切和疏寫平上天布施后土成穰穰豐年四時榮魏

鼓吹曲初之平篇初之平義兵征神武奮金鼓鳴邁武德

揚洪名漢室微社稷傾皇道失桓與靈關宦熾羣雄爭邊

韓起亂金城中國擾無紀經赫武皇起旗旌麾天下天下

平濟九州九州寧勅武功武功成二篇用韻最多而無一

雜又如李陵錄別詩用生鳴等凡一十字蔡邕王子喬碑

辭用靈貞等凡一十六字胡根碑銘用靈瑩等凡一十四

字蔡琰悲憤詩用精零等凡二十七字苦縣老子銘用清

營等凡二十七字魏陳思王妻婦篇用青榮等凡一十七

字亦無一雜其它用韻少者不能具述 唐韓文公篤於

十三耕

萌 莫耕切

古音莖 韓非子八姦篇一曰狂同牀二曰在旁三曰父

唐韻正

卷五

五十二

兄四曰卷舛五曰民萌六曰流行七曰威強八曰四方

陸賈新語道基篇耳聽八極目觀四方忠進讒退直容邪
以道行姦止不得兩張口口本理杜漸消萌 漢揚雄幽
州牧箴義兵涉漠偃我邊萌既定且康復古虞唐戎不可
不圖衰不可或忘隄潰蟻穴器漏箴也牧昆司幽敢告侍
傍 詩推度災月三日成魄八日成光蟾蜍體就穴鼻時
萌 琴操文王作鳳皇之歌翼翼翔翔彼鸞皇兮銜書來
游以命昌兮瞻天案圖殷將凶兮蒼蒼昊天始有萌兮神
連精合謀於房兮 漢冀州從事張表碑文貢真紕僞邊
漸防萌后臧其勛俾守犂陽 漢書地理志葭萌晉也
賈誼新書萌之爲言旨也 白虎通也之爲言萌也 禮
記月令曰孟春之月其神句芒又曰句者單出萌者盡達
萌卽芒也樂記草木茂區萌達管子五行篇艸木區萌莊
子天道篇萌區有狀萌區卽區萌區萌卽句芒也古人讀
句爲拘

氓

唐韻正

卷五

五十三

古音同上 淮南子修務訓湯夙興夜寐以致聰明輕賦
薄斂以寬民氓布德施惠以振困窮甲以問疾以養孤孀
百姓親附政令流行窮字不入韻 說文氓从民以聲

毗

古音同上 管子輕重乙篇天下有兵則積藏之粟足以
備其糧天下無兵則以賜貧毗 說文毗从田以聲 以
上三字當改入唐韻

十四清

古與卜三耕通爲一韻

徐盈切

古音唐 急就駕梨柿柰桃待露霜棗杏瓜棗餽飴餽
釋名錫洋也煮牙消爛洋洋然也 方言錫謂之饴 詩
有瞽矇簫編小竹管如今賣錫者所吹也音義錫之音反
又音唐 周禮小師註如今賣飴錫所吹者李晉唐 楚
辭招魂柅柅蜜餌有饴饴些王逸註饴饴錫也 說文錫
从倉易聲 當改入唐韻

令十五青

古與十三耕十四清通為一韻

苓

郎丁切

古音力珍反 詩簡兮四章山有榛隰有苓云誰之思而
方美人彼美人兮西方之人兮 采苓首章采苓采苓首
陽之巔人之為言苟亦無信舍旃舍旃苟亦無然人之為
言胡得焉 按漢枚乘七發始以鱗苓與鵲纓鳴堊同

唐韻正

卷五

五十四

零

古音同上 詩定之方中三章靈雨既零命彼倌人星言
夙駕說于桑田匪直也人秉心塞淵騶批三千 漢楊雄
趙充國頌明靈惟宣戎有先零 按楚辭遠游恐天時之
代序兮曜靈暈而西征微霜降而下淪兮悼芳艸之先零
則入青韻矣 今此字兩收於一先十五青部中

令

古音同上 詩東方未明二章倒之顛之自公令之 盧
令首章盧令令其入美且仁 車鄰首章有車鄰鄰有馬
白顛未見君子寺人之令 十月之交三章暉暉震電不
寧不令 說文引詩盧令令作盧猗猗猗力珍反今本韻
內亦有猗字 按詩令字皆力珍反當入真韻小篆四章
題彼脊令句不入韻自史記龜策傳田者不疆困倉不盈

齋賈不彊不得其贏 錫女不彊布帛不精官御不彊其
不成大將不彊卒不使令侯王不彊沒世無名太玄經
女七去其德貞三从不令始入青韻 今此字三收於二
仙十五青四十五勁部中 命之訛爲靈猶顛之訛爲丁
也宋讀曲歌鹿轉方相頭丁倒欺人目丁倒顛倒也今吳
人獨有此語 以上三字當改入真韻 朱彝尊曰三字
竝讀爲連枚乘七發蔓艸芳苓陳思王七命羣芳苓之菓
龜李善註竝云苓古蓮字史記龜策傳龜千歲乃游蓮菓
之上徐廣曰蓮一作領聲相近假借漢書地理志金城郡
令居孟康曰令音連趙充國傳先零鄭氏曰零音憐然古
人憐鄰本同一音 廣韻憐字俗書作恰亦以音之同
借之也

憐

銹

唇韻正

卷五

五十五

古音竝同上 今此二字兩收於十七真十五青部中
以上二字當併入真韻

唐韻正下平聲卷之六

音學五書 二十二

十六蒸

矜

居陵切

古音居銀反 詩苑柳三章有鳥高飛亦傳于天彼人之心于何其臻曷予靖之居以凶矜 桑柔首章苑彼桑柔其下侯甸將采其鬲瘼此下民不殄心憂倉兄填兮倬彼昊天寧不我矜 魏阮籍大人先生傳坐制禮法束縛下民欺愚詎拙藏智自神強者睽眠而凌彘弱者憔悴而事人假廉以成貪內險而外仁罪至不悔過幸遇則自矜馳此以泰除故滔滯而不振 史記陳涉世家鉏耰棘矜索隱曰矜音勤漢書項籍傳註師古曰矜與矜同 按矜字見於漢韋玄成戒子孫詩于異卿士非同我心三事惟艱莫我肯矜則入侵韻晉張華女史歲翼翼矜矜福所以興

唐韻正

卷六

潘岳哀永逝文啟夕兮宵與悲絕緒兮莫承俄龍韜兮門側嗟俟時兮將升媵姪兮章惶慈姑兮坐矜始入蒸韻本註曰矛柄也巨巾切字樣俗為矜憐字按既云巨巾切則不當入蒸韻矣 十七真韻矜字下註曰巨斤切矛柄也又鉏耰也古作矜按此註巨斤又誤斤字在二十一殷韻當作巨巾 當改入真韻

十七登

古與十六蒸通為一韻

能

奴登切

古音奴來奴代二反 詩賓之初筵二章其湛曰樂各奏爾能賓載手仇室人入又酌彼康爵以奏爾時又音肄 易繫辭上傳乾以易知坤以簡能 下傳人謀鬼謀百姓與能謀晉煤 禮記中庸送往迎來嘉善而矜不能 楚

騁離騷紛吾既有此內美兮又重之以修能扈江離與辟芷兮紉秋蘭以爲佩王逸章句能乃代反九章思美人登高吾不說兮入下吾不能固朕形之不服兮然容與而狐疑大戴禮公符篇成王冠辭使王近於民遠於羊嗇於時惠於財親賢使能說苑同家語同老子政善治事善能動善時夫唯不爭故無尤管子五輔篇論賢人用有能而民可使治莊子山木篇東海有鳥焉名曰意怠其爲鳥也翫翫狺狺而侶無能列子天瑞篇無知也無能也而無不知也而無不能也荀子非十二子篇今之所謂處士者無能而云能者也無知而云知者也成相篇世之災妬賢能飛廉知政任惡來堯授能舜遇時讓賢推德天下治雖有賢聖適不遇世孰知之韓非子主道篇賢者救其材君因而任之故君不窮於能去其智絕其能下不能意揚權篇皆用其能上乃無事矜而好能下之所欺孤憤篇主利在豪傑使能臣利在朋黨用私逸周書太子晉解分均天財萬物熙熙非舜

唐韻正

卷六

二

而誰能淮南子原道訓藏于不敢行于不能恬然無慮動不失時詮言訓使水流下孰弗能治激而上之非巧不能文子道德篇邊讓守柔爲天下雌立於不敢設於不能自然篇各得其所與時往來法度有常下及無能

漢司馬相如封禪頌眈眈睦睦君子之能益聞其聲今觀其來太玄經親測位高事卑德不能也肺附之行不我

材也張衡東京賦左制辟雍右立靈臺因進距衰表賢簡能馮相觀祲祈禱禳災王逸九思乃回竭兮北逝遇

神孺兮宴娒欲靜居兮自娛心愁感兮不能邊讓章華臺賦於是罷女樂墮瑤臺思夏禹之卑宮慕有虞之士階

舉英奇於仄陋拔髦秀於蓬萊君明哲以知人官隨任而處能百揆時敘庶績咸熙諸侯慕義不召同期繼高陽之

絕軌崇成莊之洪基雖齊桓之一匡豈足方於大持後漢書黃琬傳桓帝時京師謠欲得不能光祿茂才魏文

帝秋胡行朝與佳人期日夕殊不來嘉奇不嘗旨酒停杯寄言飛鳥告余不能俯折蘭英仰結桂枝阮瑀七哀詩

冥冥九泉室漫漫長夜臺身盡氣力索精魂靡所能
阮籍評懷詩清露爲疑霜華艸成蒿萊誰云君子賢明達安
可能晉潘岳射雉賦眇箱籠以揭驕睨曉媒之變態奮
勁散以角搓隣悍目以翳昧鶯綺翼而輕搗灼繡頸而袞
背鬱軒者以餘怒思長鳴以效能潘尼瑋琯碗賦包神
藏智備體兼才高下斯處水陸皆能文若綺波背負蓬萊
贈王元貺詩崑山積瓊玉廣廈構衆材游鱗萃靈沼樞
翼希天階膏蘭畝爲消濟治由賢能摯虞尚書令箴雖
曰聖明必賴良材無曰我智官不任能陸機挽歌詩呼
子子不聞泣子子不知歎息重觀側念我疇昔時三秋猶
足收萬世安可思殉沒身易亡救子非所能夏侯湛東
方朔畫像贊若乃遠心曠度瞻智宏材個儻博物觸類多
能合變以明算幽贊以知來郭璞山海經渠渠移卽聞
麟獸馭餘鳥贊渠渠致兵移卽起災馭餘辟火物各有能
聞麟之見大風乃來抱朴子博喻篇瓊艘瑤楫無涉川
之用金弧玉弦無激矢之能是以介潔而無政事者非撥

唐韻正

卷六

三

亂之器儒雅而乏治略者非翼亮之才膚表或不可以
論中望貌或不可以核能仲尼佞喪家之狗公旦類朴斲
之材咎繇面如蒙俱伊尹形若槁骸龍陽宋朝猶木偶之
冠夜尖籍孺董鄧猶錦紈之裹塵埃也隋張公禮龍藏

寺碑文西臨天井北拒五臺川谷苞異山林育材蘇秦說
反樂毅奔來鄒魯媿俗汝穎慙能今此字四收於十六
哈十七登十九代四十三等部中按陸氏釋文詩各奏

爾能下云徐奴代反又奴來反柔遠能適下云鄭奴代反
禮記禮運聖人耐以天下爲一家樂記人不耐無樂樂不
耐無形形而不爲道不耐無亂鄭註耐古書能字也後世
變之此獨存焉穀梁傳成七年非人之所能也本亦作耐
左傳襄二十一年與欒盈爲公族大夫而不相能能徐音

乃代反昭元年居於曠林不相能也能一音奴代反史記
吳世家且句踐爲人能辛苦漢書高帝紀耐日上請之應
劭曰耐音若能倉貨志能風與旱暵鎔傳其性能寒其性
能暑趙充國傳漢馬不能冬西域傳匈奴常言漢極大然

不能飢渴師古竝曰能讀曰耐大戴禮易本命篇會水者善游能寒素問能冬不能夏能夏不能冬又曰能毒者以厚藥靈樞經能春夏不能秋冬能秋冬不能春夏淮南子地形訓會水者善游能寒說苑夫溧陵不能雨揚雄遂貧賦堪寒能暑皆讀作耐詩漸漸之石箋豕之性能水能奴代反本又作耐禮記檀弓註凡棺因能溼之物能音耐管子聾盲啞啞跛躄偏枯握遞不耐自生者論衡出則耐分人君之地耐本作能文選揚雄甘泉賦迺搜速索偶臯伊之徒冠倫魁能五臣音乃來反說文忍能也徐曰能音耐是古但有奴來奴代二音來讀如犁則能亦讀如泥又如史記天官書封禪書漢書王莽傳周禮大宗伯司中註三台作三能鄭云古以能爲三台字正義曰古者以耐字爲今之能字能字爲三台之字後世以來廢古耐字以三台之能替耐字之變而爲能也又更作三台之字是古今變也是能與台音相近故春秋元命苞謂三能能之爲言耐也晉時此音未改江左以降始以方音讀爲奴登反而又

唐韻正

卷六

四

不可盡沒古人奴來奴代之音故兼收之哈代登三韻後之註釋者於哈韻止云三足鼈而能字始移之登部矣今

當削去併入哈代二韻按能字音奴登反始自宋齊之後漢書郭杜孔張傳贊二蘇勁烈羊賈廉能與朋肱軻爲韻梁劉勰文心雕龍章句贊離同合異以盡厥能與恒朋騰爲韻廣韻十六哈註云奴來切爾雅謂三足鼈又

獸名禹父所化也十九代註云奴代切技能又姓十七登註云奴登切工善也又獸名能屬足侶鹿亦賢能也漢

書高帝紀註師古曰能本獸名形侶熊足侶鹿爲物堅中而彊力故人之有賢材者皆謂之能是能本獸而非鼈也餘化爲黃能亦此獸耳其訓爲鼈者唯爾雅鼈三足能漢

張衡東京賦用之云能鼈三趾此其一證顧野王玉篇始分爲二於奴來反下註云三足鼈奴登反下註云技藝工善姚寬西溪叢語曰唐徐浩越州寶林寺詩云法士多瓌能言異能也黃魯直謂能乃三足鼈言僧侶鼈耳能有二音皆通不必指是鼈也亦引後漢黃琬傳爲證今按經傳

之文下至魏晉皆作奴來反竝無奴登反者自玉篇相沿之誤而又重以魯直輕薄之譏其變古音而惑後學也實甚故詳辯之 唐時古音尚存故陳子昂昭夷子趙氏碣頌管者元精汨滴陽九滔災大人感生堯禹恢能李翱江州南湖堤銘長堤坦坦植之楊槐架谿飛圮以便去來除險作利非賢不能歌示江人式悅汝懷亦以才能之能而音奴來反不獨季海越州詩也 說文能熊屬足佻鹿从肉弓聲能獸堅中故稱賢能而彊壯稱能傑也臣鉉等曰弓非聲疑皆象形此因讀能爲奴登反故云非聲耳弓之與泥音正相近台字古亦音怡 漢書嚴助傳以係地險而中國之人不能其水土也註能堪也能卽耐字不必贅解 唐書能元皓董衝釋音能音奴代切

十八尤

此韻當分爲二

唐韻正

卷六

五

尤

羽求切

古音羽其反 詩載馳四章大夫君子無我有尤百爾所思不如我所之 四月四章山有嘉卉侯栗侯梅廢爲殘

賊莫知其尤 易賁象傳六四當位疑也匪寇婚媾終无尤也六五之吉有喜也白賁无咎上得志也 剝象傳剝

牀以膚切近災也以宮人寵終无尤也君子得輿民所載也 大畜象傳有厲利已不犯災也輿說輶中无尤也利

有攸往上合志也六四元吉有喜也 蹇象傳往蹇來譽空待也王臣蹇蹇終无尤也往蹇來反內喜之也 鼎象

傳鼎有實慎所之也我仇有疾終无尤也 旅象傳旅瑣瑣志窮災也得童僕貞終无尤也 楚辭天問湯出重泉

夫何臯尤不勝心伐帝夫誰使挑之 九章惜誦欲儻徊以卜祭兮恐重患而離尤欲高飛而遠集兮君罔謂女何

之 惜往日信讒諛之溷濁兮賊氣志而過之何貞臣之

無罪兮被讒諛而見尤慙允景之誠信兮身幽隱而備之

老子見能字下 史記秦始皇紀之罽東觀刻石文職
臣遵分各知所行事無嫌疑黔首改化遠邇同度臨古絕
尤常職既定後嗣循業長承聖治羣臣嘉德祇誦聖烈請
刻之罽 列女傳衛姑定姜頌衛姑定姜送婦作詩思愛
慈惠泣而望之數諫獻公得其罪尤聰明遠識麗於文辭
漢劉向九歎遭紛逢凶蹇離尤兮坐文揚采遺將來兮
哀余生之不當兮獨蒙毒而逢尤雖蹇蹇以申志兮君
乖差而屏之 太玄經彊測爰聰爰明庶士方來也小人
彊梁得位益尤也克我彊梁大美無基也 吳越春秋通
命達旨賂往遺來解憂釋患使無所疑出不忘命入不被
尤 許慎說文序知此者稀儻昭所尤庶有達者理而董
之 張衡東京賦見下 王逸九思天生我兮當闇時被
詠諧兮虛獲尤 蔡邕釋誨天高地厚踳而跡之怨豈在
明患生不思戰戰兢兢必慎厥尤 卻正釋譏虞帝以面
從爲戒孔聖以悅已爲尤若子之言良我所思將爲吾子
論而釋之 行止有道啟塞有期戎師遺訓不怨不尤委

唐韻

卷六

六

命恭已我又何辭 華陽國志巴人詩語窳乞請期吏怒
反見尤 毛先舒曰論語多聞闕疑慎言其餘則寡尤多
見闕始慎行其餘則寡悔疑與尤爲韻始與悔爲韻 按
尤字自漢東方朔七諫內懷情之潔白兮遭亂世而離尤
始與憂爲韻

詵

古音同上 詩綠衣三章綠兮絲兮女所治兮我思古人
俾無詵兮 太玄經倏測倏禍介介與禍期也禍不禍非
厥詵也倏厓之揲終不可治也

眈

古音同上 楚辭九章惜誦竭忠誠以事君兮反離羣而
贅眈忘儼媚以背衆兮待明君其知之

古音同上 詩賓之初筵四章屢舞傲傲是曰既醉不知其郵 呂氏春秋樂成篇鞞而靡裘投之無郵裘渠之反 陳第曰郵羽其反古尤郵音義同禮記郵罰麗于事晉語夫郵而效之楚語夫貨馬郵則闕於民漢成帝詔以顯朕郵列子魯之君子迷之郵者

牛

語求切

古音疑 易无妄六三无妄之災或繫之牛行人之得邑人之災 詩黍苗二章我任我輦我車我牛我行既集蓋云歸哉 我將我將我享維羊維牛維天其右之 絲衣絲衣其紉載弁俅俅自堂徂基自羊徂牛鬲鼎及蕭按此詩自兕觥其觶以下當別是一韻以古人用牛必入之用柔必入蕭也 左傳成十七年殺老牛莫之敢尸 楚辭

唐韻正

卷六

七

天問恒秉季德馬得夫朴牛何往營班祿不但還來 九章憎往日呂望屠於朝歌兮甯戚歌而飯牛不逢湯武與桓繆兮世說云而知之 招魂土伯九約其角鬻鬻些故腋血拇逐人駭駭些參目虎首其身若牛些此皆甘人歸來歸來恐自遺災些 史記龜策傳今管壬子宿在牽牛河水大會鬼神相謀漢正南北江河固期南風新至江使先來 淮南子說林訓見象牙乃知其大於牛見虎尾而知其大於狸一節見而百節知也 說苑同 獻公之賢欺於驪姬叔孫之知欺於豎牛故鄭詹入魯春秋曰佞人來佞人來 說苑同 易林履之蠱齊景惑疑為孺子牛

无妄之萃主母貪饕盜我資財凶失犂牛 頤之懸豮

豕童牛害傷不來 大過之復出入無時憂患為災行人

失牛利去不來 大壯之比夷明兆初三旦為災以讒復

歸名曰豎牛剥亂叔孫餒卒虛丘 按牛字自漢王褒九

懷歷九曲兮牽牛始與州修游流休悠浮求憐儔恤為韻

古辭西門行飲醕酒炙肥牛與憂為韻 陳第曰牛古讀

疑疑又讀牛周書逸詩馬之剛矣繚之柔矣馬亦不剛繚亦不柔志氣庶庶取與不疑賈誼鵬賦德人無累知命不憂細故蒂芥何足以疑愚按易傳疑字甚多無與柔憂韻者當絲方音之互轉不可以爲據也 三略故士可下而不可驕將可樂而不可憂謀可淡而不可疑亦與鵬賦同

丘

去鳩切

古音去其反

易渙六四渙有丘匪夷所思

詩載馳三

章見苗字下丘懷之三子隔句爲韻

岷首章岷之蚩蚩

抱布買絲匪來買絲來卽我謀送子涉淇至于頓丘匪我

愆期子無良媒將子無怒秋以爲期 巷伯七章楊園之

道猗于畝丘寺人孟子作爲此詩凡百君子敬而聽之

左傳僖十五年史蘇之占爲雷爲火爲嬴敗姬車脫其輻

火焚其旗不利行師敗于宗丘 楚辭九章哀郢曼余目

唐韻正

卷六

八

非吾罪而棄逐兮何日夜而忘之

戰國策齊嬰兒謠大

冠若箕修劔拄頤攻狄不能下壘于梧丘

說苑同

易

林履之巽蹇驢不材駿驥失時筋勞力盡疲于沙丘

壯之比見上

太玄經卷次三糞以肥丘育厥根莖

丘字自漢王褒九懷飛翔兮靈丘始與蕭條蝸噪畱爲韻

揚雄反離騷覽四荒而顧懷兮奚必云女彼高丘與流爲

韻班彪游居賦建封禪於岱宗瘞玄玉於此丘與流僚爲

韻以後馮衍顯志賦張衡歸田賦邊讓章華臺賦無不讀

紆

匹尤甫鳩二切

古音匹之反

詩絲衣見上

龜

居求反

今此字兩收於五支十八尤韻中

不

甫鳩切

古平字詩文王有周不顯帝命不時凡周之士不顯亦世大明造舟爲梁不顯其光崑高不顯申伯韓奕八鸞鏘鏘不顯其光清廟不顯不承無斃于人斯烈文不顯惟德百辟其刑之執競不顯成康上帝是皇皆平字集古錄考古博古二圖所載齊侯鐘銘不顯穆公之孫不顯皇祖逯父鍾銘用昭乃穆不顯龍光寅簋對揚天子不顯休牧敢對揚王不顯休泰昭和鐘銘不顯朕皇祖受天命詛楚文不顯大神巫咸皆以平字作不是其證也陸澹曰詩有周不顯帝命不時毛氏曰不顯顯也不時時也朱子集傳因之不字當是平字清廟之不顯不承卽書之平顯不承楊慎曰古地名多有不字如春秋之不羹華不注史之不周不美不耐山海經之不津不庭不其或曰不卽平

唐韻正

卷六

九

也詩不顯惟德不戢不難皆讀作平按山海經有不姜不咸不句不臥不距皆山名用修所引未盡左傳襄十年生秦平茲一本作不茲漢石經尚書立政篇丕丕基作

不丕其又不其令董恢君闕不字作丕則知其讀爲平基也梁陶弘景許長史舊館壇碑下邳太守作下邳

又按古人發聲之字多作不爾雅釋魚左倪不類右倪不若疏不發聲也禮記射義幼壯孝弟者羞好禮不從流俗修身以俟从者不在此位也好學不倦好禮不變旒期稱道不亂者不在此位也當亦發聲之辭又按說文平大

也从一不聲漢石經尚書及山陽太守祝睦碑涼州刺史魏元平碑梁相費汎碑趙相劉衡碑平字皆作平蓋一在不字之中間也又按春秋僖十一年晉殺其大夫平鄭

父三傳皆從十左傳中凡平字皆从十三國志魏文帝代漢大帝問羣臣曰平以盛年卽位恐孤不能及之羣臣未對闕澤曰不及十年平其沒矣帝問何以知之澤曰以字言之不十爲平平果七年卒晉哀帝亦名平消化帖載帝

書亦作平說文云从一者卽从十之異辭也後人以一字
移於不字之下而闕澤之言遂不可解矣 後漢書耿秉
傳太醫令吉平平或作本 按平字以中一貫貫下而加
一橫其間故謂之不十猶千字从人从十亦以中一貫貫
下而加一橫其間皆古人省筆之法也 按不字見於經
者止有平跌二音平音見上跌音則常棣鄂不韡韡箋云
不當作柎柎鄂足也古聲不柎同是也晉以下則轉而爲
府鳩反又轉而爲方九反漢陌上桑詩使君從南來五馬
立踟躕使君遣吏往問是誰家姝秦氏有好女自名爲羅
敷羅敷年幾何二十尚不足十五頗有餘使君謝羅敷寧
可共載不羅敷前致辭使君一何愚使君自有婦羅敷自
有夫隴西行天上何所有歷歷種白榆桂樹夾道生青龍
對道隅鳳皇鳴啾啾一母將九雛顧視世間人爲樂甚獨
殊好婦出迎客顏色正敷愉伸腰再拜跪問客平安不請
客北堂上坐客氈氍毹清白各異樽酒上正華疏二詩並
是跌音晉陶潛酬劉柴桑詩新葵鬱北牖嘉稌卷南疇今

唐韻正

卷六

十

我不爲樂知有來歲不游斜川詩提壺接賓旅引滿更獻
酬未知從今去當復如此不宋鮑照松柏篇孝子撫墳號
父子知來不欲還心依戀欲見絕無由南齊釋寶月估客
樂大編珂我頭何處發揚州偕問編上郎見儂所歡不則
讀爲府鳩反矣 晉書束皙傳汲郡人不準盜發魏襄王
墓何超音義不甫鳩反姓也 焦竑曰濟南之華不注山
吳興之餘不溪皆作跌音讀

求衣

巨鳩切

古音渠之反 詩終南首章終南何有有條有梅君子至
止錦衣狐裘顏如渥丹其君也哉 七月四章取彼狐狸
爲公子裘 大東四章舟人之子熊羆是裘私人之子百
僚是試 左傳襄四年國人誦之曰臧之狐裘敗我於狐
貽 禮記樂記良冶之子必學爲裘良弓之子必學爲箕

列子同

呂氏春秋見上

淮南子齊俗訓夫以一世

之變欲以耦化應時譬猶冬被葛而夏被裘 列女傳臧文仲書曰斂小器投諸台倉獵犬紐羊裘琴之合甚思之 易林大過之困送我貂裘與福載來 按裘字自魏文帝善哉行策我良馬被我輕裘始與憂爲韻

仇

古音同上 詩免置二章肅肅免置施于中遠剋剋武夫公侯好仇 賓之初筵見能字下 史記呂后紀趙幽王

友歌爲王而餓外兮誰者憐之呂氏絕理兮託天報仇 龜策傳江河必怒務求報仇自以爲侵因神與謀淫雨不

霽水不可治若爲枯旱風而揚埃蝗蟲暴生百姓失時王行仁義其罰必來 易史九三壯于頄蜀才本作仇 按

仇字詩有二音免置韻達秦無衣韻袍楚辭九章惜誦吾諒先君而後身兮羌衆人之所仇也與讐爲韻急就篇受

賊枉法忿怒仇與曹聊流膠牢號求雷爲韻漢張衡東京賦今公子苟好勤民以媮樂忘民怨之爲仇也與憂爲韻

唐韻正

卷六

秦嘉述昏詩戰戰兢兢懼德不仇與由爲韻魏王粲登樓賦實顯敞而寡仇與憂洲流丘疇雷爲韻贈文叔良詩尚哉君子異于他仇與流爲韻陳思王七啟望雲際兮有好仇與由修愁爲韻節游賦行觴爵於好仇與驪儔游憂舟流疇求爲韻張敬頭責子羽文我視子如仇與讐憂爲韻至漢邊讓章華臺賦爾乃攜窈窕從好仇徑肉林登糟丘則以仇丘二字與流舟憂爲韻

俅

古音同上 詩絲衣見上

罍

縛謀切

古音扶之反 史記秦始皇紀之罍東觀刻石文見上 三秦記漢武帝拍梁臺詩帝日月星辰和四時梁王曰

驂駕駟馬從梁來大司馬曰郡國士馬羽林材丞相曰總
領天下誠難治大將軍曰和撫四夷不易哉御史大夫曰
刀筆之吏臣執之太常曰撞鐘伐鼓聲中詩宗正曰宗室
廣大日益滋衛尉曰周衛交戟禁不時災祿勳曰總領從
官柏梁臺廷尉曰平理請讞決嫌疑太僕曰修飭車馬待
駕來大鴻臚曰郡國吏功差次之少府曰乘輿御物主治
之大司農曰陳粟萬石揚日箕執金吾曰徼道宮下隨討
治左馮翊曰三輔盜賊天下危右扶風曰盜阻南山爲民
災京兆尹曰外家公主不可治詹事曰椒房率更領其材
典屬國曰蠻夷朝賀常舍其將作大匠曰柱桁構榑相枝
持大官令曰批把橘栗桃李梅上林令曰走狗逐兔張置
罟郭舍人曰鬻妃女脣甘如飴東方朔曰迫窘詰屈幾窮
哉漢揚雄羽獵賦荷坐天之畢張竟壅之罟靡日月之
朱竿曳彗星之飛旗放雉兔收置罟麋鹿薨薨與百姓
共之張衡東京賦故相如壯上林之觀揚雄騁羽獵之
辭雖系以頽牆填壑亂以收置解罟卒無補於風規祗以
昭其愆尤臣濟參以陵君忘經國之長基故函谷擊柝於
東西朝顛覆而莫持魏陳思王七啟於是礮填谷塞榛
數平夷綠山置罟彌野張罟下無漏跡上無逸飛鳥集獸
屯然後會圍漢武帝柏梁臺詩首用時字羣臣屬和無
出韻者上林令走狗逐兔張置罟後人不通音者謬改爲
罟置近又或改爲罟罟可笑考秦簡王詩體所載正作
置罟

唐韻正

卷六

十二

謀

莫侯切

古音謀詩泉水首章怵彼泉水亦流于淇有懷于衛靡
日不思變彼諸姬聊與之謀岷首章見上皇皇者華
三章我馬維騏六轡如絲載馳載驅周爰咨謀十月之
交五章抑此皇父豈曰不時胡爲我作不卽我謀徹我牆
屋田卒汙萊曰予不戢禮則然矣小旻見上聲否字下
巷伯二章哆兮侈兮成是南箕彼諧人者誰適與謀

繇三章周原膺膺莖茶如飴爰始爰謀爰契我龜曰此
時築室于茲 文王有聲八章豐水有芑武王豈不仕詒
厥孫謀以燕翼子 抑十二章於乎小子告爾善止聽用
我謀庶無大悔 易繫辭下傳見能字下 左傳僖二十
八年聽輿人之誦曰原田每每舍其舊而新是謀 哀五
年萊人歌景公殂乎不與埋三軍之士兮不與謀師乎師
乎何黨之乎 楚辭天問況娶純狐眩妻爰謀何羿之射
革而交吞揆之 老子其安易持其未兆易謀 不召而
自來縶然而善謀 管子霸言篇智者善謀不如當時
心術上篇紛乎其若亂靜之而自治強不能偏立智不能
盡謀 內業篇春秋冬夏天之時也山陵川谷地之枝也
喜怒取予人之謀也 勿引勿推福將自歸彼道自來可
藉與謀 版法解篇與天下同利者天下持之擅天下之
利者天下謀之 莊子刻意篇不思慮不豫謀炎矣而不
耀信矣而不期 知北游篇形若槁骸心若灰其真其實
知不以故自持媒媒晦晦無心而不可與謀 淮南子道

唐韻正

卷六

十三

應訓同 荀子成相篇知不用愚者謀前車既覆後未知
更何覺時 請牧祺明有基主好論議必善謀五聽修領
莫不理續主執持 呂氏春秋壹行篇夫不可知盜不與
期賊不與謀 求人篇賢者所聚天地不壞鬼神不害人
事不謀 任地篇天下時地生財不與民謀 素問陰陽
別論別於陽者知病忌時別於陰者知从生之期謹熟陰
陽無與衆謀 司馬法定爵篇進退無疑見敵無謀 選
周書大武解一鼓走疑二備從來三佐軍舉旗四采虞人
謀五後動撚之 六韜發啟篇天道無殃不可先倡人道
無災不可先謀必見天殃又見人災乃可以謀 鬼谷子
抵巇篇世無可抵則淡隱而待時有可抵則爲之謀 漢
賈誼鵬賦天不可與慮兮道不可與謀遲速有命兮烏識
其時 嚴忌哀時命夜炯炯而不寐兮懷隱憂而歷茲心
鬱鬱而無告兮衆訖可與淡謀欲愁悴而委情兮老冉冉
而逮之 史記李斯傳時乎時乎間不及謀羸糧躍馬惟
恐後時 龜策傳見上 淮南子主術訓清靜無爲則天

與之時廉儉守節則地生之財處惠稱德則聖人爲之謀
道應訓周伯昌行仁義而善謀太子發勇敢而不疑中
子旦恭儉而不知時 汜論訓徐偃王知仁義而不知時大
夫種知忠而不知謀 詮言訓不豫謀不棄時與天爲期

文子同 兵略訓故所鄉非所之也所見非所謀也
說林訓與死者同病難爲良醫與亡國同道難與爲謀

文子同 見之明白處之如玉石見之闇晦必畱其謀
文子同 尸子孔子云誦詩讀書與古人居讀書誦詩與
古人謀 鹽鐵論孔子曰不通於論者難於言治道不同

者不相與謀 王康九懷思堯舜兮襲興幸咎繇兮獲謀
悲九州兮靡君撫軾歎兮作詩 說苑權謀篇吾聞病之

將死也不可爲良醫國之將亡也不可爲計謀 文子同
將將之臺官官其謀我言而不當諸侯伐之 談叢篇

五醒之謀不如逢時 反質篇信鬼神者失謀信日者失
時 列女傳晉文齊姜頌齊姜公正言行不怠勸勉晉文

反國無疑公子不聽姜與犯謀醉而載之卒成霸基 太
十四

唐韻正

卷六

玄經斷測斷心滅斧內自治也冥斷否中心疑也決其聳
輒利有謀也 彊測彊中否貞不可與謀也鳳鳥于飛君

子得時也柱不中不能正基也 玄衝進多謀積多財
玄樞律則成物曆則編時律曆交道聖人以謀 揚雄延

尉箴穆王羞荒甫侯伊謀五刑訓天周以阜基 越絕書
請羅內傳臣聞春日將至百艸從時君王動大事羣臣竭

力以佐謀 德庠外傳記身以不爲醫邦以不爲謀還自
遺災 春秋命曆序以文命者七九而衰以武興者六八

而謀 魏李康運命論引之同 論語比考識一曰河圖
將來告帝期二曰河圖將來告帝謀 吳越春秋臣隲君

子俟時計不數謀以不被疑內不自欺 參同契古今道
由一對談吐所謀學者加勉力畱念淡思惟至要言甚露

昭昭不我欺 張衡思玄賦結精遠游使心攜廻志竭來
從玄謀獲我所求夫何思 七辯在我聖皇躬勞至思參

天兩地匪急厥司率由舊章遵彼前謀正邪理謬靡有所
疑 風俗通孔子曰雖明天子榮惑必謀禍福之徵慎察

升之漢冀州從事張表碑文天挺雷侯應期佐治與漢
龍興誕發神謀 咸陽靈臺碑文朝口克省帝納其謀歲
以春秋奉大宇祠 魏嵇康太師箴故殷辛不道首綴素
旗周胡敗度崑人是謀 抱朴子博喻篇郢人美下里之
淫蠶而薄六莖之和音庸夫好悅耳之華譽而惡利行之
貞規故宋玉舍其延靈之精聲智士招其獨見之遠謀
說文媒謀也謀合二姓也 韻補謀謀杯切周禮媒氏註
媒之言謀也謀合異類使和成者 按謀字自魏文帝煌
煌京雜行賢矣陳軫忠而有謀始與救爲韻
以上字當與五支之半及六脂七之通爲一韻

憂

於求切

詩泉水四章思須與漕我心悠悠駕言出游以寫我憂
載馳首章驅馬悠悠言至于漕大夫跋涉我心則憂 免
爰見覃字下 蟋蟀三章蟋蟀在堂役車其休今我不樂
日月其慆無已太康賦思其憂好樂無荒良士休休 唐

唐韻正

卷六

十五

揚之水見入聲鵠字下 角弓八章雨雪浮浮見眼曰流
如蠻如髦我是用憂 民勞見下 易乾文言是故居上
位而不驕在下位而不憂 左傳哀二十一年齊人歌見
入聲覺字下 楚辭九歌山鬼風颯颯兮木蕭蕭思公子
兮徒離憂 三略故士可下而不可驕將可樂而不可憂
易林屯之渙道路辟除南至東遼衛子善辭使國無憂
比之否失意懷憂如幽狴牢 之大壯適戍失期患生
無聊懼以發憂開藏閉塞邦國窮愁 復之遯見下 大
畜之遯大尾小腰重不可搖棟橈壞臣爲君憂 大壯
之晉鄭國讒多數被楚憂征夫愁苦民困無聊 萃之大
過亂頭多憂搔蟲生愁膳夫仲羊使我無聊 困之益童
女無媒不利動搖安其室廬傳母何憂 歸妹之大有見
下 節之乾虎豹怒咆慎戒外憂上下俱搔士民無聊
家語子路初見篇樂之方至樂而勿驕患之將至思而勿
憂 此以下所引書但證其與蕭宵肴豪同用者他不備

優

禮記淡衣要縫半下註要或為優

鹿

說文鏹从金鹿聲於刀切

耨

梁武帝籍田詩寅賓始出日律中方星鳥千畝土膏紫萬頃陂色縹嚴駕佇霞昕稟露逗光曉啟行天猶暗伐鼓地未悄蒼龍發蟠蜿青旂引窈窕仁化洽孩蟲德令禁胎天耕籍乘月映遺滯指秋抄年豐廉讓多歲薄禮節少公卿秉耒耜庶毗荷鉏耨一人慙百王三推先億兆

唐韻正

卷六

十六

摻

力求切

今此字兩收於五音十八尤部中

畱

楚辭離騷時續紛以變易兮又何可以淹畱蘭芷變而不芳兮荃蕙化而為茅 漢淮南小山招隱士援狵羣嘯兮虎豹嗥攀援桂枝兮聊淹畱 攀援桂枝兮聊淹畱虎豹鬪兮熊羆咆禽獸駭兮凶其曹王孫兮歸來山中兮不可以久畱 司馬相如大人賦世有大人兮在于中州宅彌萬里兮曾不足以少畱悲世俗之迫隘兮竭輕舉而遠游 乘絳幡之素蜺兮載雲氣而上浮建格澤之修竿兮總炎耀之采旄坐旬始以為慘兮曳彗星而為髻掉指橋以偃寒兮又倚枕以招搖搥欂櫨以為旌兮靡屈虹而為綢紅杳眇以玄溘兮焱風涌而雲浮 史記滑稽傳男女雜坐

行酒稽留六博投壺相引爲曹 王褒九懷望谿兮滌鬱
熊羆兮响噪唐虞兮不存何故兮久留 急就篇輒覺沒
入檄報留通章皆用豪韻 吳越春秋不仁者逃其仁者
留 晉左思吳都賦綸組紫絳會葛香茅石帆水松東風
扶留 揚方合歡詩衣用雙絲綫寢共無縫綯子靖我不
動子游我無留 釋名留字也 詩正義引春秋元命苞
昂之爲言留也 按留字又與𠄎通史記律書濁北至于
留留者言陽氣之稽留也故曰留八月也索隱曰留卽𠄎
也𠄎古文酉字漢書律歷志留訖於酉

流

詩角弓見上 常武五章如山之苞如川之流 楚辭十
章惜往日臨沅湘之玄淵兮遂自忍而沈流卒沒身而緇
名兮惜靡君之不昭 宋玉高唐賦見下 急就篇縛束
脫漏亡命流 易林萃之師家在洊隅繞旋溪流伯氏難

唐韻正

卷六

十七

行無木以超 太玄經達次三蒼木維流厥美可以達于

瓜苞 漢班彪冀州賦徧五嶽與四瀆兮觀滄海以周流

鄙臣恨不及事兮陪後乘之下僚 班固幽通賦耽聆呱

而勁石兮許相理而鞠條道混成而自然兮術同原而分

流 張衡思玄賦仰矯首以遙望兮魂愒惘而無儔逼區

中之隘陋兮將北渡而宣游行積冰之皚皚兮清泉返而

不流寒風淒其永至兮拂穹岫之騷騷玄武縮于殼中兮

騰蛇蜿而自糾魚矜鱗而并凌兮鳥登木而失條坐太陰

之屏室兮慨含歎而增愁怒高陽之相寓兮倘顛頊而宅

幽庸織路於四裔兮斯與彼其何瘳望寒門之絕垠兮縱

余練乎不周 王逸九思令尹兮警警羣司兮讓讓哀哉

兮泝泝上下兮同流 卽鄆涓曹娥碑翩翩孝女載沈載

浮或泊洲渚或在中流或趨湍瀨或逐波濤 魏嵇康琴

賦爾乃顛波奔突狂赴爭流觸巖礙限鬱怒彪休洶涌騰

薄奮沫揚濤瀚汨澎湃蟹螯相糾放肆大川濟乎中州安

迴徐邁寂爾長浮 劉劭趙都賦擊靈鼓鳴箛蕭乘素波

駟

鏡清流 晉木華海賦魚則橫海之鯨突杙孤游憂巖嶽
偃高濤茹鱗甲吞龍身翕波則洪連踧躅吹澗則百川倒
流 顧愷之觀濤賦臨浙江以北春壯滄海之宏流水無
涯而合岸山孤映而若浮既藏珍而納景且激波而揚濤
漢書地理志華聊綠耳之乘聊卽駟字

膠

通鑑註上膠村在寧海西北四十餘里今謂之上寮山

瀏

魏文帝述征賦伐靈鼓之砌隱兮建長旗之飄緜曜甲卒
之皓旰兮馳萬騎之瀏瀏

唐韻正

卷六

十八

慄

今此字兩收於三宵十八尤部中

慄

詩月出二章月出皓兮佼人慄兮舒憂受兮勞心慄兮

秋

七由切

詩采芣二章彼采蕭兮一日不見如三秋兮 易林復之

遜仲冬兼秋鳥散飲憂困於米倉數驚鷓鴣 魏甄后塘

上行出亦復苦愁入亦復苦愁邊地多悲風樹木何蕭蕭

今日樂相樂延年壽千秋 晉陸機詩見下 鄭曼季答

陸士龍詩陟彼南山言采其蕭樂只君子邦家之翹克茂

厥猶輜德是收聊道以儉廣慶以周差我懷人永好千秋

說文本作𦵑从禾𦵑省聲𦵑音焦 揚慎曰秋音𦵑漢揚雄羽獵賦秋秋踰踰入西園切神光蕭該音七遙反又荀子解蔽篇引逸詩曰鳳皇秋秋其翼若干其聲若簫秋與簫爲韻是其證也

𦵑

今此字三收於四宵十八尤三十五笑部中 楊慎曰今南方屯戍之處曰哨蓋吹𦵑以警守也

菽

春秋文九年楚子使椒來聘穀梁傳作菽子遙反又子小反或作菽 玉篇菽且雷反又七肖反

椒

楚辭九辯見上

唐韻正

卷六

十九

湫

平聲音椒 左傳楚椒舉國語作湫舉 史記伍子胥傳敗越于夫湫湫音椒

上聲則子小反 左傳莊十九年還及湫閔元年齊仲孫湫來省難成十八年王湫奔萊襄六年王湫帥師昭元年

勿使有所壅閉湫底三年湫隘蹏塵十二年恤恤乎湫乎攸乎十三年子服湫從並音子小反徐音秋釋文按子服

湫又作子服椒史記越世家敗之夫椒索隱曰椒本又作湫音酒小反伍子胥傳作夫湫左傳楚椒舉國語作湫舉

史記封禪書湫淵祠朝那索隱曰湫音子小反又音子由反漢書蘇林音將蓼反 今此字四收於十八尤二十

九篠四十四有部中

𦵑

亦作鱷 易林同人之益 巨蛇大鱷戰於國郊 君遂走逃

猶

以周切

詩小星二章 嗟彼小星 維參與昴 肅肅宵征 抱衾與裯 寘命不猶 采芑見下 斯干首章 如竹苞矣 如松茂矣 兄

及弟矣 式相好矣 無相猶矣 小旻見上 聲咎字下 鼓鐘三章 鼓鍾伐馨 淮有三洲 憂心且妯 淑人君子 其德不

猶 白華二章 英英白雲 露彼菅茅 天步艱難 之子不猶 禮記禮器引詩云 匪革其猶 聿追來孝 檀弓人喜則斯

陶陶 斯咏 咏斯猶 鄭氏曰 猶當為搖 搖謂身動 搖也 秦人猶搖聲相近 爾雅註 猶卽繇也 古今字耳 古時猶與搖

同一音 故玉篇遙字又音弋周切

悠

唐韻正

卷六

二十

詩泉水載馳 竝見上 楚辭大招 東有大海 溺水泔泔 只

螭龍竝流 上下悠悠 只霧雨淫淫 白皓膠只魂乎無東 湯谷宋寥只 漢王褒九懷將息兮 蘭皋失志兮 悠悠紛紛

兮 徽鷺思君兮 無聊身去兮 意存愴恨兮 懷愁 王逸九思倚此兮 巖穴永思兮 窈悠嗟懷兮 眩惑用志兮 不昭

說苑辨物篇引詩悠悠我思 作遙遙

油

史記宋世家 箕子歌 麥秀漸漸兮 禾黍油油 彼狡童兮 不與我好兮

攸

說文條箠條皆以攸得聲

由

洩

禮記禮運鬼神以為徒故事可守也五行以為質故事可復也禮義以為器故事行有考也人情以為田故人以為與也四靈以為畜故飲食有由也 楚辭九章憺往日見幽字下 張昭曰說文無由即粵古文省也今作兩字矣 楚辭大招見上

游

俗作遊 詩泉水見上 江漢首章江漢浮浮武夫滔滔 匪安匪游淮夷來求 常武三章匪紹匪游徐方釋駮 宋玉高唐賦見下 漢司馬相如大人賦見上 淮南子原道訓循天者與道遊者也隨入者與俗交者也 文子同人間訓知天而不知人則無以與俗交知人而不知天則無以與道遊 文子同 易林歸妹之大有依宵夜遊與君相遭除解煩惑使心不憂 王逸九思心煩憤兮意無聊嚴載駕兮出戲遊周八極兮歷九州 張衡思玄賦見上 晉木華海賦見上 張昭曰游从汙聲破體作游又因古文逕譌作遊諸書正俗各出分屬二意非是

唐韻正

卷六

三十一

繇

書禹貢厥草惟繇厥木惟條 揚雄大司農箴見下 詩民勞箋繇役煩多繇本亦作徭 禮記檀弓註謂時繇役繇本亦作徭 王制註不給其繇役繇本亦作徭 雜記下註謂給繇役繇本亦作徭 史記吳太伯世家子周繇立正義曰繇音遙又音由 蘇秦傳二日而莫不盡繇索隱曰音搖搖動也 東越傳繇君丑索隱曰繇音搖 漢書高帝紀高祖常繇咸陽師古曰繇讀曰徭古通用字凡漢書徭字皆作繇 楊慎曰繇音搖古尚書臯陶作咎繇 周禮追師註步搖作步繇

揄

詩生民七章或春或揄或籩或蹂釋之叟叟烝之浮浮按此字不當从兪依周禮作枕為是禮記玉藻夫人揄狄註揄讀為搖雜記上夫人稅衣揄狄揄音遙 卷大記揄絞揄音遙

啾

即由切

漢淮南小山招隱士歲暮兮不自聊蟪蛄鳴兮啾啾

酋

自秋切

釋名曹酋也

蒭

唐韻正

卷六

二十三

周禮註稻醴清蒭音糟沈子由反

今此字兩收於六豪

十八尤部中

脩

息流切

詩中谷有蕓二章中谷有蕓嘆其脩矣有女叱離條其歎矣條其歎矣遇人之不淑矣歎音蕭淑音人遙反呂氏春秋辯土篇寒則離熱則脩詩鴟鴞予尾脩脩唐石經作脩脩

修

漢王褒九懷見下邯鄲高曹娥碑辭何者大國防禮自修豈况庶賤露屋艸茅晉陸雲夏府君誄見下

抽

丑鳩切

詩清人三章清人在軸駟介陶陶左旋右抽中軍作好說文作左旋右搯土刀切晉嵇康思親詩柰何愁兮愁無

聊恒惻惻兮心若抽

瘳

詩風雨二章風雨瀟瀟雞鳴膠膠既見君子云何不瘳
漢揚雄大司農箴秦收太半二世不瘳泣血之求海內無
聊農臣司均敢告執絲 張衡思玄賦見上

妯

詩鼓鍾見上

周

職流切

詩下泉二章冽彼下泉浸彼苞蕭懷我寤歎念彼京周
易林噬嗑之巽東家殺牛汙臭腥臊神皆西顧命絕衰周

唐韻正

卷六

二十三

漢杜篤吳漢誄堯隆稷契舜嘉皋陶伊尹左股呂尚翼
周 張衡思玄賦見上 李尤辟雍賦見下 晉陸雲夏

府君誄文武未墜君惟克修百行殊揆君望斯周栖儀初
九戢翼洪條瓊輝四灼景問綢繆 贈顧驃騎詩見幽字

下 鄭曼季荅陸士龍詩見上 白虎通四十五日不周
風至不周者不交也 春秋考異郵同 山海經周僂國

一名僂僂國國語作僂僂 說文調蜩雕彫珣喙皆以周
得聲

州

左傳襄四年虞人之箴曰芒芒禹迹畫為九州經啟九道
民有寢廟獸有茂艸各有攸處德用不擾在帝夷羿冒于
原獸忘其國恤而思其鹿牡 漢司馬相如大人賦見上

王褒九懷林不容兮鳴蜩余何畱兮中州陶嘉月兮總
戀舉玉英兮自修 揚雄豫州牧箴夏宅九州至於季世

放下南巢 王逸九思見上 魏嵇康琴賦見上

洲

詩鼓鍾見上 張昭曰州爲重川本洲渚字後人加水以別州縣經典亦承其譌也

舟

詩篤公劉二章何以舟之維玉及瑤斝琖容刀 晉木華海賦見上 考工記刮摩之工玉柳雕矢磬註故書彫或爲舟 說文朝从軼舟聲

輶

考工記註擊輶也輶音周又音帛

讎

市流切

唐韻正

卷六

二十四

詩采芑四章蠢爾蠻荆大邦爲讎方叔元老克壯其猶方叔率止執訊獲醜 抑六章無言不讎無德不報

醜

詩彤弓三章彤弓召兮受言橐之我有嘉賓中心好之鐘鼓旣設一朝醜之 瓠葉四章有免斯首燔之炮之君子有酒酌言醜之

魏

詩遵大路二章遵大路兮摻執子之手兮無我魏兮不窶好也

柔

耳由切

詩桑扈四章兕觥其觶旨酒思柔彼交匪敖萬福來求 絲衣兕觥其觶旨酒思柔不吳不敖胡考之休 說文

从犬柔聲

式州切

收

晉陸機詩恢恢天網飛沈星收爰茲下臣騰光清霄 鄭
曼季答陸士龍詩見上

居求切

鳩

宋玉高唐賦薄艸靡靡聯延夭夭越香掩掩衆雀噉噉雌
雄相失哀鳴相號王雉鷓黃正冥楚鳩姊歸思婦坐雞高
巢其鳴喈喈當年遨遊更唱迭和赴曲隨流 莊子音義
滑鳩一名滑雕 水經注發鳩山淮南子謂之發苞山

疝

今此字三收於十八尤二十幽三十一巧部中

唐韻正

卷六

二十五

杓

爾雅釋木下句曰杓上句曰喬

𠂔

說文器訓皆以𠂔得聲

所鳩切

搜

亦作搜莊子景曰搜搜也搜音素口反又素刀反又音蕭
越王子搜音素羔反

鄼

左傳文十一年鄼瞞侵宋鄼所求反一音先牢反

愁

士尤切 當作士猶

楚辭九章悲回風憐思心之不可懲兮證此言之不可聊
寧溢外而流凶兮不忍此心之常愁 戰國策蘇秦說秦

惠王上下相愁民無所聊 漢書景十三王傳廣川王去

歌愁莫愁生無聊 王褒九懷見上 易林乾之噬嗑堅

冰黃鳥常哀悲愁不見甘粒但見藜蒿數驚鷲鳥爲我心

憂 比之大壯適戍失期患生無聊懼以發憂開藏閉塞

邦國窮愁 萃之大過見上 劉向九歎白露紛紛以塗

塗兮秋風瀏瀏以蕭蕭身永流而不還兮魂長逝而常愁

張衡思玄賦見上 魏甄后塘上行見上 道藏詩椿

齡會足衰劫往豈足遼虛刀揮至空鄙滯五神愁

許尤切 當作許猶

休

詩蟋蟀桑扈竝見上 民勞二章民亦勞止汙可小休惠

此中國以爲民速無縱詭隨以謹愒板式遏寇虐無俾民

唐韻正

卷六

二十六

憂無棄爾勞以爲王休 江漢六章虎拜稽首對揚王休

作召公考天子萬壽首休考壽同爲一韻 絲衣見上

淮南子修務訓達略天地察分秋毫稱譽葉語至今不休

易林鼎之困登高望家役事未休王事靡盬不得逍遙

魏嵇康琴賦見上 晉陸機演連珠臣聞傾耳求音眊

優聽苦澄心狗物形逸神勞是以天殊其數雖同方不能

分其感理塞其通則竝質不能共其休 陸雲贈奚世都

詩善問伊何惠音孔詔肇允衡門翻飛宰朝肅雍芳林芬

響凌霄穆矣和風育爾清休 贈鄭曼季詩鸞栖高岡耳

想雲韶拊翼墜夕和鳴與朝我之思之言懷其休

髻

史記貨殖傳木器髻者千枚徐廣曰髻音休正義曰又音

許昭反 漢書外戚傳殿上髻漆師古曰髻音許求反又

音許昭反

囚

侶由切

詩泮水五章淑問如皋陶在泮獻囚 易林遯之既濟鉉
某逢時稷契皋陶貞良得願微子解囚

槽

本註又在交切今三肴部不收

儔

直由切

漢王褒九懷泱泱莽兮究志懼吾心兮儔儔步余馬兮飛
柱覽可與兮匹儔 張衡思玄賦見上 邯鄲滄曹娥碑
辭或有剋面引鏡勢耳用刀坐臺待水抱樹而燒於戲孝
女德茂此儔 魏劉楨魯都賦畫藏宵行俯仰哮咆禽獸
布窟失偶卷儔 楊慎曰史記龜策傳上有儔著下有神
龜索隱云儔音稠左傳八元八凱有儔戲漢書藝文志有

唐韻正

卷六

三七

公儔生師古曰儔直由反其字從未霍去病傳從至儔余
山師古曰儔音籌其字從木獨孟子儔杙之儔今音濤蓋
因陸德明九經釋音而誤也賈逵曰儔杙凶頑無儔匹之
貌以此證之則儔杙之儔亦當音稠愚按儔濤二字古人
同爲一音蓋此韻與蕭宵肴豪如佳皆灰咍之與支脂之
微齊耳 今吳人凡儔侶之儔皆呼爲桃 今此字兩收
於十八尤二十七号部中

幬

禮記檀弓天子龍輅而椁幬諸侯輅而設幬音大報反
喪大記大夫殯以幬攢至于西序幬音道 中庸辟如天
地之無不持載無不覆幬音徒報反 考工記輪人欲其
幬之廉也幬音幬又音導 左傳襄二十九年如天之無
不幬也幬徒報反 今此字兩收於十八尤二十七号部
中

綯

詩小星見上 郭璞註方言綯丁牢反 史記魯世家魯人立齊歸之子綯為君徐廣曰綯一作招 楊慎曰今關中人呼寢褥為條子 今此字兩收於六豪十八尤部中

綯

漢司馬相如大人賦見上 禮記檀弓綯練設旒綯音吐刀反徐直雷反 明堂位夏后氏之綯練綯音吐刀反 爾雅釋天素錦綯杠疏綯韜也 漢書司馬相如傳靡屈虹而為綯註綯韜也 今此字兩收於六豪十八尤部中

綯

晉陸機答賈謐詩咎我逮茲時惟下僚及子棲遲同林異條年殊志比服舛義綯遊跨三春情固二秋 莊子可謂

唐韻正

卷六

二十八

綯適而上遂矣綯音調本亦作調

疇

周禮司几筵註散讀曰疇音道劉音疇

儵

趙宦光曰詩緜鱓鯀鯉卽此字本作儵 玉篇儵徒堯直流二切

禱

楊慎說見上 左傳文十八年禱戴音直由反韋昭音桃 漢書古今人表師古音疇 今此字兩收於六豪十八尤部中

調

張流切

今此字兩收於三蕭十八尤部中

求

巨鳩切

詩桑扈見上 下武見孚字下 江漢見上 漢司馬相
如大人賦煥然霧除霍然雲消邪絕少陽而登太陽兮與
真人兮相求 急就篇乏興猥逮詞讓求 揚雄太常箴
弗祈弗求惟德之報

速

詩民勞見上

絛

唐韻正

卷六

二十九

禮記王制周人卷國老於東膠膠或作絛
廣韻失收絛字桑扈絲衣並見上

浮

縛謀切 當作縛牟

詩角弓江漢並見上 素問平人氣象論外肺脉來如物
之浮如風吹毛 漢司馬相如夫人賦見上 邯鄲滄曹
娥碑辭見上 魏嵇康琴賦見上 晉木華海賦於是鼓
怒溢浪揚浮更相觸搏飛沫起濤 顧愷之觀濤賦見上
春秋隱八年公及莒人盟于浮來公羊穀梁二傳並作
包來 禮記投壺若是者浮註浮或作匏 鹽鐵論李斯
與苞丘子同事荀卿苞丘子即浮丘子也漢書楚元王傳
云浮丘伯者孫卿門人

孚

見虞韻

焯

呂氏春秋其君令焯人卷之註焯猶庖也

眸

莫浮切

釋名眸冒也相裏冒也

矛

詩無衣首章豈曰無衣與子同袍王于興師修我戈矛與子同仇 釋名矛冒也刃下冒矜也

整

詩旄丘字林作整止周反又音毛

唐韻正

卷六

三十

整

急就篇鐵鈇鑽錐釜鍍整銀鑄鉛錫橙錠鏃註整叶音毛

髻

本註或作髻 書牧誓及庸蜀羌髻一音毛

以上字當與三蕭四宵五肴六豪通爲一韻 按此韻中字可不必改音亦如佳皆灰哈之與支脂之微齊也

按唐韻十八尤十九侯二十幽二十九侯則全入魚虞模鄭

美裘首章之侯無羊二章之餼行葦三章之餼山有樞首

章之婁是也二十幽則全入蕭宵肴豪隰桑三章之幽角

弓七章之漣是也十八尤則有入支脂之微齊佳皆灰哈

者載馳四章四月四章之尤綠衣三章之說賓之初筵四

章之鄧黍苗二章絲衣之牛氓首章巷伯七章之丘絲衣

之紉終南首章大東四章之棗兔置二章賓之初筵二章

之仇絲衣之倅泉水首章岷首章皇皇者華三章十月之交五章小旻五章巷伯二章絲三章之謀是也有入蕭宵脊豪者泉水四章載馳首章免爰二章蟋蟀三章唐揚之水二章角弓八章民勞二章之憂月出二章之爛角弓八章常武五章之流采芻二章之秋小星二章采芑四章斯千首章小旻三章鼓鍾三章白華二章之猶泉水四章載馳首章之悠泉水四章江漢首章常武三章之遊清入三章之抽鼓鍾三章之岫風雨二章之瘳下泉二章之周鼓鍾三章之洲篤公劉二章之舟抑六章之雛彤弓三章瓠葉四章之醜遵大路二章之魏桑扈四章絲衣之柔蟋蟀三章桑扈四章民勞二章江漢六章絲衣之休泮水五章之囚小星二章之稠桑扈四章江漢首章之求民勞二章之逮桑扈四章絲衣之鰈角弓八章江漢首章之浮秦無衣首章之矛是也其入支而又入蕭者一字秦無衣首章以仇韻袍是也卽唐韻之三部一一求之於三百篇而其中條理粲然可觀漢以下每多混用唐人因此註曰同用

唐韻正

卷六

至宋末劉淵彛併爲一韻矣

又按尤牛等字與憂流州鳩本不相通而漢人於支韻中字往往混讀入此且如史記龜策傳白雲壅漢萬物盡雷斗柄指日使者當囚玄服而乘輜車其名爲龜王急使人問而求之揚雄荊州牧箴夏后遭鴻荆衡是調雲夢塗泥包匭菁茅金玉砥礪象齒元龜貢篚百物世世以饒班因幽通賦嬌巢姜於孺筮兮旦算祀于契龜宣曹興敗於下夢兮魯衛名謚於銘謠妣聆呱而効石兮許相理而鞠條道混成而自然兮術同原而分流張衡西京賦然後釣魴鯉纏鯁鮒撫紫貝搏著龜搯水豹鬐潛牛澤虞是濫何有春秋李尤辟雍賦是以乾坤所周八極所要夷戎蠻羌僭耳哀牢重譯響應抱珍來朝南金大路玉象犀龜宋讀曲歌朝日先景開從君良燕遊願如卜者策長與千歲龜則讀龜爲鳩矣魏王粲從軍行館宅先塵里士女滿九鳩自非聖賢國誰能言斯休則讀鳩爲求矣今十八尤韻中亦收龜鳩二字而後人獨從支韻然則尤牛等字正與此一

例特編韻者不曾收入五支以致混入此韻千年未正耳
楊慎謂王粲詩鳩字當从九从箇者謬又芄頌二字亦兩
收於六脂十八尤部中

漢人用此韻之誤且最多者無若班婕妤自悼賦前以時
思詩鄜茲滋災期與周求幽流休為韻後以焮葦期之與
流憂浮休為韻其它詩文亦多出入二韻至晉宋以下而
尤牛等字始合於憂流州鳩與支脂之判然為二矣

鄒

則鳩切

古音則俱反 公羊傳邾婁卽鄒字以一字為二字孟子
題辭邾國至孟子時魯穆公改曰鄒 元戴侗六書故曰
邾鄒同聲實一字也春秋時邾莒用夷故邾謂之邾婁合
邾婁之音為鄒也 漢韋玄成自劾詩嗣王孔佚越遷于
鄒五世曠寥至我節侯 說文鄒从邑芻聲 今三原涇
陽人讀朱諸等字皆為則鳩反正同此誤 亦作騶史記

唐韻正

卷六

三十三

吳世家王夫差九年為騶伐魯索隱曰左傳騶作邾杜預
註左傳亦曰邾今魯國騶縣是也騶邾聲相近自亂耳騶
空音邾

上聲則音聚 史記孔子世家如顏濁鄒之徒正義曰濁
音卓鄒音聚晏子書作燭鄒左傳有齊大夫顏涿聚呂氏
春秋顏涿聚聚梁父之大盜也學於孔子

鄒

古音同上 孔叢子孔子回車操巾車命駕將適唐都黃
河洋洋攸攸之魚臨津不濟還轅息鄒傷予道窮哀彼無
辜翱翔于衛復我舊廬從吾所好其樂只且 今此字三
收於十八尤九慶二十四緩部中

叢

古音同上 說文叢从艸取聲 今此字三收於二十六
桓十八尤十遇部中

齒取

古音同上

說文齒从齒取聲

駟

古音同上

淮南子原道訓是故大丈夫恬然無思澹然

無慮以天為蓋以地為輿四時為馬陰陽為駟乘雲陵霄

與造化者俱縱志舒節以馳大區可以步而步可以驟而

驟註駟御也御字正釋駟字而今本為不通音者竟改木

文駟字為御按韻補引此正作駟漢書敘傳舞陽鼓刀

滕公廐駟穎陰商販曲周庸夫攀龍附鳳竝乘天衢南

齊書王融傳車前無八駟何得稱丈夫說文駟从馬芻

聲毛晃韻略十虞部增入此字引禮記曲禮車驅而駟

讀為趨荀子書中趨中詔護凡三見其一作駟

唐韻正

卷六

三十三

耶

古音同上

說文耶从邑取聲以上六字當改入虞韻

廣韻芻側隅切正與鄒字同音今人讀芻為七于反讀

鄒為則鳩反蓋兩誤耳

十九侯

古與九魚十虞十一模通為一韻

侯

戶鈞切

古音胡

詩載馳首章載馳載驅歸唁衛侯按此詩自驅

馬悠悠以下別是一韻鄭羔裘首章羔裘如濡洵甫

疾彼其之子舍命不渝左傳昭二十五年鸛鶴跣跣

在乾侯徵褰與襦管子輕重甲篇有餘富無餘乘者責

之卿諸侯足其所不賂其游者責之令大夫 莊子胠篋
篇竊鈎者誅竊國者爲諸侯 盜跖篇小盜者拘大盜者
爲諸侯 史記朝鮮傳荀彘爭勞與遂皆誅兩軍俱辱將
率莫侯矣 游俠傳竊鈎者誅竊國者侯 韓詩外傳故
心國之社以戒諸侯庶人之戒在於桃受 淮南子主術
訓故桓公三舉而九合諸侯紂再舉而不得爲匹夫 秦
族訓濁亂天下撓滑諸侯使百姓不遑啟居 易林師之
井范子妙材戮辱傷膚然後相國封爲應侯 秦之益鳳
皇銜書玄珪賜我封爲晉侯 大有之隨見下 謙之巽
季姜脚踏待孟城隅終日至旦不見齊侯 睽之坤實沈
參墟封爲晉侯 升之鼎衣裳顛倒爲王來呼成就東周
封受大侯 越絕書記吳王占夢見兩鑿炊而不蒸者大
王聖氣有餘也見兩黑犬嚙以北嚙以南四夷已服朝諸
侯也兩鑿倚吾宮堂夾田夫也見流水湯湯越吾宮牆獻
物已至則有餘也 漢揚雄長楊賦且盲者不見咫尺而
離婁燭千里之隅客徒憂胡人之獲我禽獸曾不知我亦

唐韻正

卷六

三十四

已獲其王侯

反離騷有周氏之嬋媯兮或鼻祖於汾隅

靈宗初謀伯僑兮流于末之揚侯 司空箴茫茫九州都

鄙盈區網以羣牧綴以方侯 解嘲夫上世之士或解縛

而相或釋褐而傳或倚夷門而笑或橫江潭而漁或七十

說而不遇或立談而封侯或枉千乘於陋巷或擁篲而先

驅 漢書鼂錯傳見奢字下 元后傳贊五將十侯卒成

新都 敘傳抑抑仲舒再相諸侯身修國治致仕懸車下

帷覃思論道屬書讜言訪對爲世純儒 張衡西京賦增

昭儀於婕妤賢旣公而又侯許趙氏之無上思致董於有

虞 魏應璩詩漢末桓帝時郎有馬子侯自謂識音律請

客鳴笙竽爲作陌上桑反言愿將雜左右僞稱善亦復自

搖頭 晉張載登成都白菴樓詩見下 夏侯湛抵疑德

入殷王義感齊侯故伊尹起庖廚而登阿衡甯戚出車下

而階大夫 魏書高車傳處女謠求良夫當如倍侯 韻

補侯洪孤切史記霍去病傳斬盧胡王漢書作盧侯王

水經注侯甲水發原平縣胡甲山有長坂謂之胡甲嶺卽

劉歆遂初賦所謂越侯甲而長驅者也蔡邕曰侯甲亦邑名也在祁縣 楊慎曰侯音胡呂氏春秋令侯溲過而弗
辭侯讀爲胡 漢司馬相如封禪頌君乎君乎侯不邁哉
侯卽胡字 唐韓愈毛穎傳今日之獲不角不牙衣褐之
徒缺口而長鬚八竅而跣居獨取其髦簡牘是資天下其
同書秦其遂兼諸侯乎所用牙字侯字竝合古音資字不
入韻 又按禮記樂記區萌達區古侯反古胡音拘左傳
昭三年二十六年豆區釜鍾昭七年我先君文王作僕區
之法區竝音烏侯反十三年冶區夫區音烏侯反一音丘
于反哀十三年盜殺陳夏區夫區音烏侯反烏胡音謳今
人讀區萌之區爲古矛豆區之區爲烏矛乃因侯而誤也
魏文帝孟津讎詩良辰啟初節高會極歡娛通天拂景雲
俯臨四達衢羽爵浮象樽珍膳盈豆區清歌發妙曲樂正
奏笙竽曜靈忽西邁炎燭繼望舒翊日浮黃河長驅旋鄴
都可見爾時古音尚未改也至晉宋之間則并驅字亦讀
爲苦矛反宋讀曲歌非歡獨慊慊儂意亦驅驅雙燈俱時
盡柰許兩無由可見其音之變矣

唐韻

卷六

三十五

喉

古音同上 文子上義篇左手據天下之圖而右手刎其
喉 元戴侗六書故曰喉亦謂之胡今俗謂之胡嚨漢書
金日磾傳梓胡投何羅殿下後漢書五行志請爲諸君鼓
嚨胡胡喉一聲也

鑿

古音同上 詩行葦三章敦弓旣句旣挾四鑿四鑿如樹
序賓以不侮 急就篇鉞鉞鉞鉞劍鐔鑿與棹爲韻

猴

古音同上 今人呼猴獼爲胡孫

餽

古音同上 詩無羊二章何蓐何笠或負其餽三十惟物爾牲則具

謳

烏侯切

古音於胡反 易林小畜之訟委蛇循流東求大魚豫且舉網庖人歌謳 魏陳思王贈丁翼詩嘉賓填城闕豐膳出中廚吾與二三子曲宴此城隅秦箏發西氣齊瑟揚東謳 齊來不虛歸觴至反無餘 卞蘭許昌宮賦趙女撫琴楚媛清謳秦箏慷慨齊舞絕殊 陸機吳趨行楚妃且莫歎齊娥且莫謳四坐並清聽聽我歌吳趨 莊子大宗師篇需役聞之於謳李軌讀香于反 說文謳从言區聲

漚

唐韻正

卷六

三十六

古音謳 靈樞經見入聲瀆字下 鷓冠子泰錄篇故成形而不變者度也未離已而在彼者狎漚也 說文漚从水區聲

歐

古音紉 說文歐从欠區聲

區

古音驅 通鑑長沙賊區星胡三省註按唐韻區音豈俱切註云漢有長沙區景又音烏侯切 今此字兩收於十虞十九侯部中

鹵

古音嫗 漢張衡南都賦惛惛醜醜李善音乙據切

鷗

古音紆 說文鷗从鳥區聲

樞

古音同上 說文樞从衣區聲 今此字四收於十虞十九侯四十五厚五十侯部中

藎

古音同上 說文藎从艸區聲 今此字兩收於十虞十九侯部中

甌

唐韻正

卷六

三十七

古音同上 漢書敘傳西南外夷種別域殊南越尉佗自王番禺攸攸外寓閩越東甌爰洎朝鮮燕之外區漢興柔遠與爾剖符 史記匈奴傳東胡與匈奴間中有棄地莫居千餘里各居其邊為甌脫漢書蘇武傳倕區脫 說文甌从瓦區聲

孺

奴鉤切

孺

古竝音人朱反 說文孺从大需聲 今此二字兩收於十虞十九侯部中

樓

落侯切

古音閣 急就篇芑藪厚朴桂栝樓通章皆用模韻 漢豔歌羅敷行日出東南隅照我秦氏樓秦氏有好女自名

爲羅敷羅敷善採桑採桑城南隅青絲爲籠係桂枝爲籠
鉤頭上倭墮髻耳中明月珠湘綺爲下帟紫綺爲上襦行
者見羅敷下擔持髭鬚少年見羅敷脫帽著幘頭耕者忘
其犁鋤者忘其鋤來歸相怨怒但坐觀羅敷 崔駰七依
反宇坐阿洞門金鋪丹柱雕楹飛閣層樓 大將軍臨雒
觀賦濱曲雒而立觀營高壤而作廬處崇顯以間敞超絕
鄰而特居列阿閣以環匝表高臺而起樓步輦道以周流
臨軒楹以觀魚 李尤平樂觀賦徒觀平樂之制鬱崔嵬
以離婁赫巖巖其峯嶺紛電影以盤吁彌平原之博敞處
金商之維陬大厦累而鱗次承岩堯之翠樓過洞房之轉
闔歷金環之華鋪 王延壽魯靈光殿賦見去聲構宇下
魏文帝登城賦孟春之月惟歲權輿和風初鳴有穆其
舒駕言東道陟彼城樓逍遙遠望乃欣以娛 晉張載登
成都白菴樓詩重城結曲阿飛宇起層樓累棟出雲表曉
巖臨太虛高軒啟朱扉迴望鳴八隅西瞻岷山嶺嗟峨佶
荆巫躡鷗蔽地生原隰殖嘉蔬雖遇堯湯世民倉恒有餘

唐韻正

卷六

三十八

鬱鬱小城中岌岌百族居街術紛綺錯高甍夾長衢偕問
揚子舍想見長卿廬程卓累千金驕侈擬五侯門有連騎
容翠帶腰吳鉤鼎舍隨時進百和妙且殊披林採秋橘臨
江釣春魚黑子過龍醢果饌踰蟹蟾芳茶冠六清溢味播
九區人生苟安樂茲土聊可居 張協玄武館賦爾乃地
勢夷敞既膏且腴環以翠林帶以赤渠尋厥先之攸基寔
張氏之舊墟何魏后之周覽遂築館而起廬既號玄武是
曰石樓 黃庭經蔽以紫宮丹城樓俠以日月如明珠
水經注高奴縣民俗語訛謂之高樓城

婁

古晉同上 詩山有樞首章山有樞隰有楡子有衣裳弗
曳弗婁子有車馬弗馳弗驅宛其从矣他人是愉 莊子
徐無鬼篇有暖姝者有濡需者有卷婁者 漢李尤平樂觀賦見上 魏何晏景福殿賦茹密倒植吐被笑菓綵以

藻井編以絳疏紅葩鞞鞞丹綺離婁苗苾絕翁織縵紛敷
繫飾糸巧不可勝書 晉陸機白雲賦長城曲婉采閣相
扶聳瑤臺之巖岸構瓊闈之離婁 公羊傳隱元年公及
邾婁儀父盟于昧婁力俱反邾人語聲後曰婁故曰邾婁
禮記檀弓邾婁復之以矢婁力俱反 左傳僖十八年
眾不可而從師于訾婁婁音郎句反又郎鉤反 襄十四
年執莒公子務婁婁力侯反或力俱反 二十六年及雩
婁婁徐音力俱反 昭五年蘧啟疆待命于雩婁徐音力
俱反 漢書宣帝紀右賢王銖婁渠堂師古曰婁音力于
反 匈奴傳同 王子侯表婁節侯遯師古曰婁音力朱
反 地理志雩婁師古曰婁音力于反 說文縷樓屨窰
數皆以婁得聲 今此字兩收於十虞十九侯部中
上聲則音呂 公羊傳昭二十五年且夫牛馬維婁婁音
力主反疏引舊說云婁者侶也謂聚之於屨
去聲則音屨 詩屨顧爾傑君子屨盟屨舞僂僂屨豐年
本皆作婁 角弓式居婁驕婁王音力住反數也 禮記

唐韻正

卷六

三十九

郊特牲孔子婁歎之婁力住反本又作屨 漢書宣帝紀
婁蒙嘉瑞師古曰婁古屨字凡漢書屨字皆作婁 說文
屨字註曰今之婁字本是屨空字其上尸字後人所加

婁

古音同上 詩漢廣三章翹翹鎔薪言刈其婁之子于歸
言秣其駒 考工記輪人註等爲萬婁以運輪上婁音良
主反 火記建元以來王子侯者年表婁安侯邈索隱曰
婁音力俱反 楚世家韋路藍婁左傳作韋路藍縷 後
漢書王常傳與丹印收散卒入婁縵婁音力于反 馮異
傳至饒陽無婁亭婁音力于反 今此字三收於十虞十
九侯九慶部中

鄭

樓

古音竝同上 今此二字兩收於十虞十九侯部中

樓

古音同上 呂氏春秋盡數數篇戶樞不腐流水不蠹 魏公卿工尊號奏且有熊之興地出大樓夏后承統木榮久數殷湯董命白狼衛鉤

樓

古音呂 晉書地理志羸樓樓音力口反又音力主反 今此字兩收於十九侯九虞部中

樓

唐韻正

卷六

四十

古音同上 左傳見上聲禿字下 今此字三收於十九侯九虞五十侯部中

鸚

古音閏 爾雅鸚鸚鸚力于切 今此字兩收於十虞十九侯部中

樓

古音同上 左傳定十四年既定爾婁緒字林作樓力付反 今此字兩收於十虞十九侯部中

樓

古音同上 今此字兩收於十虞十九侯部中

樓

古音呂 今此字兩收於十九侯九慶部中

樓

古音閭 今此字兩收於十虞十九侯部中

樓

古音同上 今此字三收於十虞十九侯九慶部中

篲

古音同上 急就篇從第箕帚筐篲篲與篠為韻 方言
車枸篲郭璞解篲音縷 今此字三收於十九侯九慶四
十五厚部中

唐韻正

卷六

四十一

樓

古音同上 今此字兩收於十虞十九侯部中

樓

古音呂 漢王逸九思周徘徊兮漢渚求水神兮靈女嗟
此國兮無良謀女詘兮譴謔 今此字三收於十九侯九
慶四十五厚部中

疆

恪侯切

古音恪俞反 說文疆从弓區聲 春秋哀十三年盜殺
陳夏區夫公羊傳作疆

樞

古音同上 列子以瓦樞者巧以鈎樞者憚以黃金樞者
樞樞字莊子作注 說文樞从手區聲 今此字兩收於
十虞十九侯部中

陬

子侯切

古音子胡反 漢張衡南都賦若夫天封大狐列仙之陬
上平衍而曠蕩下蒙籠而崎嶇坂坻巖嶭而成巖谿壑錯
繆而盤紆芝房菌蠢生其隈玉膏瀦溢流其隅崑崙無以
麥閼風不能踰 李尤平樂觀賦見上 王延壽魯靈光
殿賦見去聲構字下 晉束皙補白華詩白華絳跣在
陵之陬蒨精士子涅而不渝竭誠盡敬壘疊忘劬 唐韓
愈南海神廟碑文海嶺之陬既足既濡胡不均弘俾執事
樞 漢書西域傳昆莫欲使其孫岑陬尚公主史記大宛
傳作岑娶 說文陬从自取聲 今此字三收於十虞十
八尤十九侯部中

唐韻正

卷六

四十三

十虞部中諷字下音曰子于切謀也又子侯切而侯部則
無此字當是傳寫脫漏又諄字廣韻未收太玄經事次二
事在樞不咨不諉喪其哲符

輒

古音同上 左傳襄二十五年陪臣于輒徐音子俱反史
記齊太公世家作陪臣爭趨 昭二十年賓將輒周禮掌
固註引之作賓將趣 說文輒夜戒有所擊也从手取聲
今此字兩收於十虞十九侯部中

輒

古音同上 說文輒从糸取聲 今此字三收於十八尤
十九侯十遇部中

輒

古音同上 說文振从木取聲

偷

託侯切

古音偷 老子建德若偷 質直若渝 大方無隅 易林鼎之震老猾大偷 東行盜珠 漢張衡東京賦 敬慎威儀 示民不偷 我有嘉賓 其樂愉愉 聲教布濩 盈溢天區 周禮大司徒六曰 以俗教安 則民不偷 偷音偷 註 偷謂朝不謀夕 考工記弓人 苟有賤工 註 苟偷也 禮記坊記 註 言不偷於从 凶偷音偷 本亦作偷 左傳襄十五年 能官人 則民無覲 心覲即偷字 公羊桓七年傳 註 故舊不遺 則民不偷 偷本又作偷 家語法無私而令不偷 王肅註 偷空為偷 呂氏春秋 雖今偷可後將無復 偷一作愈 韻補 偷容朱切 詩他人是偷 鄭氏曰 偷讀曰偷 偷取也 漢書志作偷 顏師古亦音偷 張昭曰 偷即偷之俗 改後作兩字 非是 然偷尚讀作偷 豈可與俗偷俱證古音矣

唐韻正

卷六

四十三

媮

古音同上 漢張衡西京賦 爾乃逞志究欲 窮歡極娛 鑿戒唐詩 他人是媮 楚辭屈原卜居 將從俗富貴 以媮生乎 媮音偷 史記淮陰侯傳 媮衣甘食 索隱曰 媮 鄒氏音 媮美也 漢書作媮 說文媮从女 媮聲 今此字兩收於 十虞十九侯部中

頭

度侯切

古音徒 莊子盜跖 篇料虎頭 編虎須 幾不免虎口哉 口音苦 史記龜策傳 今寡人夢見一丈夫 延頸而長 頭衣玄繡之衣 而乘輜車 易林坤之復 九身無頭 覓驚鬼去 不可以居 屯之无妄 鳴條之災 北奔大胡 左衽為長國 號匈奴 主君旄頭 立尊單于 訟之坤 日入望車 不見子 家長女 無夫左手搔頭 比之歸妹 一身兩頭 莫通其軀

大有之隨躑躅脚撫心搔頭五晝四夜暗我齊侯
謙之蒙子嬰兩頭陳破其墟觀之良北奔陰胡主君旄
頭賁之乾見家字下 邈之小畜畜牝無駒養雞不雞
羣羊三歲不生兩頭 革之頤尼父孔丘善釣鯉魚羅網
一舉得獲萬頭富我家居 小過之豐反鼻歧頭二寡濁
居 太玄經毅次三戴威滿頭君子不足小人有餘 漢
王褒僅約出入不得騎馬載車蹠坐大奴下牀振頭坐釣
刈芻結葦臘臚 漢書五行志京房易傳睽孤見豕負塗
厥妖人生兩頭 王延壽魯靈光殿賦上紀開闢遂古之
初五龍比翼人皇九頭伏羲鱗身女媧蛇軀鴻荒朴略厥
狀睢盱 豔歌羅敷行見上 東方千餘騎夫婿居上頭
何用識夫婿白馬從驪駒青絲繫馬尾黃金絡馬頭腰中
鹿盧劍可值千萬餘十五府小史二十朝大夫三十侍中
郎四十專城居爲人潔白皙鬢鬢頗有鬚盈盈公府步冉
冉府中趨坐中數千人皆言夫婿殊 魏繁欽定情詩何
以結相於金薄畫搔頭 晉成公綏棄故筆賦則象神仙

唐韻

卷六

四十四

人皇九頭式範羣生異體怪軀 左傳晉侯之豎頭須韓
詩外傳作里鳧須 元戴侗六書故曰頊徒谷切顛落乎
切頊顛頭骨也又作髑髏亦稱頭盧髑髏之急言爲頭皆
一聲之轉也 按博雅頊顛謂之髑髏 按頭字自漢卓
文君白頭吟今日斗酒會明旦溝水頭蹠躑御溝上溝水
東西流古歌秋風蕭蕭愁殺人出亦愁入亦愁座中何人
能不懷憂令我白頭始與流愁爲韻

揄

古音諭 說文揄从手諭聲 今此字四收於十虞十八
尤十九侯四十五厚部中

廡

古音同上 玉篇廡古文逾字又徒樓切

綸

古音同上

說文綸从糸侖聲

投

古音徒 詩度之蕤蕤箋度猶投也 說文投从手从殳 按从殳亦聲

斂

古音侖 說文斂从欠兪聲 今此字兩收於十虞十九 侯部中

脛

古音同上 說文脛从片兪聲讀若兪 今此字三收於 十虞十九侯十遇部中

唐韻正

卷六

四十五

窳

古音同上 說文窳从宀兪聲 今此字兩收於十虞十九 侯部中

龠

古音同上 說文龠从麻兪聲

鬪

五婁切 古音鬪 考工記輪人察其蓄蚤不鬪鬪五構反又音鬪 說文鬪从齒鬪聲 今此字兩收於十虞十九侯部中

鈞

古音拘 禮記樂記倨中矩句中鈞繫繫乎端如貫珠 鞞問平人氣象論从心脉來前曲後居如操帶鈞 淮南

子說山訓不憂江漢之珠而憂已之鉤急就篇不鉤
盾刃刀鉤太玄經迎次四蒙有衣襦男子目珠婦人睫
鉤孝經內事圖斗曲杓橈象成車房爲龍馬華蓋覆鉤
天罡八魁神不獨居故驂駕陪乘以道踟躕漢豔歌羅
敷行見上魏公卿上尊號奏見上
晉張載登成都白
菟樓詩見上周禮巾車金路鉤樊纓九就註云故書鉤
爲鉤左傳哀二十五年請適城鉤以鉤越本或作鈎
禮記曾子問註又以繩從兩旁鉤之鉤本又作鈎史記
周紀弓撥矢鉤戰國策作鈎莊子徐無鬼篇上且鈎乎
君亦作鈎漢書鮑宣傳使吏鈎止丞相掾史鈎卽鈎字
西南夷傳鈎町侯叱波師古曰鈎音鉤于反文選阮
籍詠懷詩子母相鈎帶李善本作鈎

溝

古音沽 易林蒙之旣濟馬驚破車王墮漢溝身从隗去
離其室廬 睽之履昧暮乘車履危蹈溝 漢張衡西京

唐韻正

卷六

四十六

賦內有常侍謁者奉命當御外有蘭臺金馬遞宿迭居次
有天祿石渠抄文之處重以虎威章溝嚴更之署 易列
木爲舟刻徐音口溝反 荀子溝猶晉儒溝讀爲鈎 北
史高句麗傳於東界築小城名爲憤溝淩溝淩者句麗城
名也

句

古音同上 詩行葦見上 漢王延壽魯靈光殿賦見去
聲湊字下 晉摯虞思游賦爰辨惑於上皇兮稽吉凶之
元符唐則天而民咨兮癸亂常而感虞孔揮涕於西狩兮
臧考祥於樓句跖肆暴而佞艾兮顏履仁而夙徂何否泰
之靡所兮眩榮辱之不圖 周禮凡以神仕者註謂布祭
衆寡與其居句居音紀慮反句音紀具反正義曰神有衆
寡多少或居方爲之或句曲爲之也 考工記磬氏倨句
一矩有半廬人句兵欲無憚弓人覆之而角至謂之句弓

句劉並音九具反 左傳哀二十二年註會稽句章縣句
九具反如滄音拘韋昭亦音拘 史記孝文紀句注索隱
曰伏儼音俱包愷音鈞 匈奴傳句注索隱曰服虔云句
音拘 漢書文帝紀句注應劭曰山名在鴈門陰館師古
曰句音章句之句王子侯表句容哀侯黨師古曰句讀爲
章句之句今句容之句曲山亦同此晉後漢書李南傳註
句容今潤州縣也近句曲山有所容因名焉是也後人以
章句之句爲九遇反其取屈曲之義者爲古侯反然古胡
亦是拘音但平去之異耳 地理志寃句師古曰句音劬
莊子句贅指天句俱樹反徐古侯反 今此字四收於
十虞十九侯十遇五十候部中

龜

鞫

唐韻正

卷六

四十七

古竝音劬 左傳襄十四年射兩鞫而還鞫其俱反徐又
古豆反 今此二字兩收於十虞十九侯部中 亦作胸
左傳昭二十六年繇胸汰鞫胸其俱反本又作鞫正義曰
胸鞫字通用

鴿

古音同上 今此字兩收於十虞十九侯部中

籊

古音沾 史記滑稽傳甌窶籊汗耶滿車五穀蕃熟穰
穰滿家臣見其所持者狹而所欲者奢 急就篇筮筮篋
筮篋算籊

兜

當侯切

古音當胡反 山海經謹頭國或曰謹朱國註曰謹兜堯臣也 史記年表宋景公頭曼漢書古今人未作兜樂尚書古文驩兜字作毘毘从及亦聲

髻

薄侯切

古音方武反 今此字三收於十九侯九慶四十五厚部中

按古侯韻與魚虞模同用無與憂流州鳩同用者魏陳思王笙篴引晉劉琨重贈盧諶始合而為一唐人遂以尤侯幽三韻同用而古音亡矣

毛先舒曰今曲凡唱侯韻者其音後必收如烏而烏字乃魚虞之韻古人亦以收音相類為韻部相附故侯通魚虞也

哀

薄侯切

唐韻正

卷六

四十八

古音蒲牟反

詩常棣二章原隰哀矣兄弟求矣

攄

古音同上 易謙象傳君子以裒多益寡鄭荀董蜀本俱作攄 禮記禮運註田人所攄治也攄音哀 韻中唯此二字當改入憂流州鳩一韻

二十幽

古與三蕭四宵五肴六豪及憂流以下等字通為韻

幽

於蚪切

詩隰桑三章隰桑有阿其葉有幽既見君子德音孔膠楚辭九章惜往日君無度而弗察兮使芳艸為藪幽焉舒

情而抽信兮恬以凶而不聊獨鄣離而蔽隱兮使貞臣而無由
漢淮南小山招隱士桂樹叢生兮山之幽偃蹇連蜷兮枝相繚
張衡思玄賦見流字下 晉陸雲贈顧顯騎詩在虞之曹實惟有姚穎艷玉秀華茂桃夭居顯祗明
在靈柅幽清塵熠燿淑心綢繆爰及祁陽維德之周 抱朴子嘉趣篇夫繩舒則木直正進則邪凋有虞舉則四凶戮宣尼任則正邪梟獍震雷駭則鼙鼓堙朝日出則螢燭幽也
道藏歌迴舞太空嶺六氣運重幽我際豈能尋使爾終不彫
爾雅釋地燕曰幽州疏李巡曰燕其氣深要厥性剽疾故曰幽幽要也 春秋元命苞幽州幽之爲言窈也
釋名東南隅曰窈窈幽也

彪

甫休切

易蒙九二包蒙吉鄭康成云包當作彪彪文也

唐韻正

卷六

四十九

漣

皮彪切

詩角弓七章雨雪漣漣見睨曰消莫肯下遺式居婁驕

休

香幽切

本註又火交切今五音部中漏此字

繆

武彪切

荀子子道篇古之人有言曰衣與繆與不女聊 晉陸雲贈顧顯騎詩見上 夏府君誄見周字下 又見入聲一

屋下

唐韻正下平聲卷之六終

